

WANTOK

NIUSPEPA BILONG OL PAPUA NIUGINI STRET

44 pes

Namba 763

16 - 22 Februeri, 1989

30 toea

Oposisen laik putim vot

NESENEL Palamen bai kirapim namba wan kibung bilong em long dispela yia long neks wik Tunde Februeri 21. Insait long dispela kibung, bikipela

paia bai kirap taim Gavman na Oposisen i bung. Ol bai traime sutim tok long ol asua bilong arapela arapela. Minista bilong Stet, John Giheno i tok long Trinde (Februari 15) olsem

gavman i tingting long mekim sampela ol senis long konstitusen bilong kantri. Em i tok arapela toktok bai kamap tu long dispela taim em vot i no gat bilip. Oposisen i redi long mekim dispela vot

i no gat bilip long gavman bilong Namaliu na Doi. Minista i tok dispela kibung em bikipela tru na em bai kirapim paia i go long pes 4

Gavman laik senisim ol lo

PLANTI senis i save kamap long olgeta 6 mun na pablik sevis, na tu ol pipel bilong Papua Niugini i paul. Olsem na lida bilong gavman bisnis John Giheno i laik kamapim sampela senis long taim Palamen i bung.

Arapela senis tu bai kamap em long Minista bilong Edukesen, Jack Genia i kamapim. Edukesen Minista yet i mas gat pawa bilong lukluk long apil bilong ol studen o tisa. Nau yet olgeta apil em Nesenel Eksekutiv kaunsil i save skelim. Na dispela i westim bikipela taim tru bilong NEC.

Minista bilong Jastis Bernard Narakobi bai autim toktok bilong Kriminal Kod. Dispela em bilong skelim toktok bilong wok painim aut bilong pasin bilong kisim grismani (corruption).

Opis bilong Lida bilong Oposisen i tok ol lida bilong pati i no bung yet long autim wanem kain toktok.

Tasol mausman bilong Oposisen i tok ol bai mekim toktok long ol;

- Ami i straik
- Straik bilong BP na tu ol arapela kampani.
- na bikipela samting tu ol bai toktok long Vot i no gat bilip.


Taim Wantok i kamap dispela ol toktok i no stret yet. Bikos ol pati lida bilong ol i no bin kamap long spesel kibung. Olgeta toktok bilong Oposisen bai redi long Fraide (Februari 17).

- Ol sampela senis em gavman i tingting long mekim em long
- Vagrancy Ekt.
- Lidasip Kod - dispela i ken mekim ol memba bilong provinsal asembli i kam aninit long Lidasip Kod.

Ol sampela liklik senis em Bilding Ekt - kamapim ol nupela bilding teknik. Na tu Moto Trefik Ekt - dispela em long lukautim gut ol Trensport.

Sampela ol nupela bil o lo bai kamap em; Audita Jenerel - insait long nupela ekt, Audita Jenerel i gat rait long mekim wok bilong em. Bikos dispela wok em i holim i bihainim lo bilong kantri.

- Habas Bot - helpim wok bilong ol memba
- Kopi Bot - ol memba bilong bot i laik resis long ileksen i mas risain na resis long politik.



• Ian Saem Majnep na pikinini bilong em Andrew.

Yuni luksave long Majnep

• Long Fraide 10, Februeri 418 manmeri i bin greduet long Yunivesiti long Papua Niugini long Mosbi. Ol i bin skul inap tupela yia na sampela i winim 4-pela na bihain ol i greduet. Tasol yunivesiti i no tingim ol tasol, nogat. Ol i givim namba tu long Ian Saem Majnep bilong Simbai long Madang provins. Em i no wanpela skulman tasol Yunivesiti i givim namba ol i kolim Honorary Doctor of Science long em. Lukim stori bilong em long pes 15.



Ol Wina bilong Resis No.3

1. Ms P Maru; Lae K50.00
2. Mr W.A. Turi; Wewak K10.00
3. Mr J.Kona; Minj K10.00
4. Mr A Joram; Kokopo K10.00
5. Ms L. Askik; Maprik K10.00
6. Mr A. Toom; Buin K10.00

Lukim nupela Resis long pes 16



Ol Sepik bungim Bisop Michael Lukim stori long Pes 19

Kamap Wanpela Wina
Kaikai Morobeen Wopa Bisket



Morobeen

Biscuit Makers To PNG

PLIS

Ripot



MT HAGEN - Wanpela man i bin dai bihain long ol i sutim em long naip. Dispela birua i kamap long Minj las wik Fraide.

Nem bilong man i dai em John Dindgondo na em bilong ples Mandeme. Em i wetim PMV na wanpela meri i sutim em long naip. Em i dai taim em i lusim planti blut.

Ol plisman nau i holim pinis wanpela meri long hap bilong Saten Hailans. Ol i bilip olsem tupela i bin kros long wanpela meri.

KIMBE - Ol plisman i sasim tupela man bilong Australia long spak brus. Nem bilong tupela man ya em William Roberts Westwood na Shayne Peter Silk. Ol i sasim tu Westwood long holim ol poto nogut bilong ol meri Papua Niugini.

Ol i bin askim long no ken mekim ol pasin nogut. Na bihain ol plisman i salim em i go long haus.

LAE - Ol plisman i bin kisim 3.6 kilomita spak brus long wanpela man Australia.

Nem bilong dipsela man em Stuart John Mclean. Na em wanpela plama. Em i bin kamap long kot na em i bin baim kot long K500.

Ol plisman i wok yet long painimaut long dispela samting.

MOSBI - Wanpela lapun meri i kisim bikpela bagarap long skin bilong em taim wanpela kalabus man husat i ranawe i sutim em long naip. Krismas bilong dispela meri em 50 na em i bilong ples Haiva long Laloki yet.

Dispela meri i kam bek long gaden taim dispela trabel i kamap. Man ya i bin kam long baksait bilong em na pasim ai bilong em na tromoi em i go long graun na mekim pasin nogut long em.

Ol plisman i askim ol lain long setelmen long Laloki long helpim ol long husat tru i mekim dispela trabel. Ol plisman i wok long painimaut yet.

MADANG - Ol plisman i wok long askim wanpela draiva bilong PMV bihain long indai bilong wanpela man. Dispela birua i kamap long hap bilong Ambuto long Bogia Distrik.

Nem bilong man husat i dai em Kolup Jikup. Na em bilong ples Kiua long hap bilong Warakum, Westen Hailans provins. Plis ripot i tok olsem Jikup na ol arapela pasindia i bin kam bek long Josephstaal na ka bilong ol i kapsait. Em i kalap tasol em i no klia kwik na ka i go antap long em. Em i bin dai taim ka i bin pundaun antap long em.

Ol arapela pasindia i kisim liklik bagarap tasol na i stap long bikpela haus sik long Madang.

NCD - Ol pipel i wok long painim yet wanpela pikinini man husat i bin dring wara na lus. Krismas bilong dispela em inap long 6-pela yia. Dispela trabel i bin kamap long Vanapa Riva long Hiritano Haiwe.

Nem bilong dispela manki i dai em Gaui. Nem em bilong ples Binaru long hap bilong Tapini.



Gavman toktok yet

• Minista bilong Difens, Arnold Marsipal na namba tu praim minista Akoka Doi i sindaun toktok long niusman long taim ol soldia long Mosbi

Gavman i no tokaut yet long wanem kain mekim save ol dispela lain bai kisim.

Anis autim tingting long straik bilong ol soldia

GAVMAN bilong Namaliu i mas lukluk bek na stretim wok bilong Difens Fos. Ol i mas stretim pe na tu ol haus slip na tu olgeta liklik wok long redi sapos woa i kamap.

Dispela em wanpela hap tok Primia bilong Nu Ailan, Pedi Anis i mekim bihain

long sampela lain soldia i bin protes na bagarapim ol samting long Mosbi.

Mista Anis i tok dispela kain pasin i bagarapim gutnem bilong PNG. Em i tok ol ovasis kantri husat i laik kam mekim wok

bisnis long PNG bai pret bikos long ol trabel i kamap.

Wok bilong Difens Fos nau i bikpela samting. Gavman i mas stretim ol ami kwik. Bikos dispela i ken kamapim planti pret namel long ol

pipel insait long kantri.

Mista Anis i tok ol ami i redi long pait. Tasol ol i no redi sapos ol birua long arapela kantri i laik pait wantaim PNG. Ol bai pret long pait. Sapos woa i stat tumoro, ol ami bilong yumi i no redi bikos ol i no redi long pait.

Ol kain pasin i kamap las wik i soim tru olsem planti ol lain Difens Fos i no redi long pait.

Primia i tok gavman i ken mekim save long ol dispela lain ami. Tasol nau ol pipel i no

bilip moa long ami. Bikos ami em i wanpela strongpela grup bilong luk autim kantri bilong yumi. Ol i namba wan lain bilong go aut na pait wantaim ol birua.

Mista Anis i toktok tu long ol soldia i brukim haus palamen. Em i tok dispela pasin i daunim tru nem bilong Difens Fos.

Dispela haus i givim ol pawa, na tu givim tok orait long kisim pe, na tu helpim ol long kisim pe na ol i no save hangre. Na watpo tru ol i bagarapim haus palamen.

Gavman i mas helpim kwik ol wok bilong stretim ol Difen Fos.

Sir Pita i tok lukaut

LAPUN memba bilong Palamen long Papua Niugini na memba bilong Maprik, Sir Pita Lus i tok lukaut long ol politisen long no ken yusim ol grup long bagarapim kantri.

Sir Pita i ting olsem ol memba bilong Oposisen i bin yusim ol yunion grup long kamapim ol straik. Planti ol Yunion memba em ol wokman bilong ol praivet na publik kampani.

Em i tok ol kain kain straika i kamap. Na planti bilong ol em ol lain long yunion i bin go pas. Ol staika i no gat mining tasol em politik i wok long kamapim ol

straik.

Sir Pita i tok ol politisen na tu ol lain husat i laik kamap politisen i wok long yusim ol pipel long straik. Na dispela kain pasin i no gutpela tru long developmen bilong dispela kantri.

Sir Pita i askim olgeta lain Papua Niugini long daunim dispela kain gridi pasin o tingting. Bikos i no gutpela pasin long ol kantri olsem Papua Niugini we i no gat planti developmen.

Em i askim olgeta pipel long wok na strongim dispela kantri na daunim ol dispela tingting nogut.

Toksave bilong Pres Kaunsil

MIPELA ol pres Kaunsil bilong

Papua Niugini i harim pinis ol plenti toktok i kamap long dispela taim long wok bilong ol niusman. I gat komplem i kam long gavman na ol pipel na ol kampani. Ol i komplem na tok ol ripot i kamap long nius i no tru.

Mipela hia long Pres Kaunsil i harim ol dispela toktok tasol mipela i no kisim wanpela pas i autim wari bilong ol. Inap long tam mipela ol Pres Kaunsil i kisim pas, mipela no inap mekim wanpela samting. Sapos yu gat tok orait yu mas salim pas i kam long mipela long dispela adres:

Ms. Nellie Lawrence
Secretary
The Press Council of PNG
P.O. Box 817,
BOROKO.
Telephone: 25 8688



• Dispela yangpela meri i bilong ples Batukau long Bali ailan, Indonesia. Em i karim ol kaikai i go long givim long ol god bilong bikpela maunten paia long Batakau. Nau em i taim bilong ol lain Hindu i amamasim Nu Yia bilong ol na 11 Februari em i bikpela de bilong ol. Kain kain pilai na taim bilong amamas bai inapim tupela wik olgeta.

Pait i bruk long taim bilong kaunsil ileksen

ILEKSEN bilong 10-pela Lokel Gavman Kaunsil long Westen Hailans provins i bin stat long Mande (Februari 6) na bai pinis long Februari 27. Na ripot bilong

planti trabel i kamap long taim kros i kamap long ileksen.

Em i namba wan taim tru ol lokal gavman kaunsil long Westen Hailans i bihainim wanpela

nupela program. Na bai ileksen i kamap bihain long olgeta tripela yia.

Em i namba wan taim i bin gat trabel long ileksen bilong ol lokal gavman kaunsil long Westen Hailans

provins. Ol bikman husat i gat nem long ples nau i wok long lus na ol yangpela krismas bilong ol olsem long 20 yia na i go antap i wok long winim olgeta vot. Dispela em i wanpela as bilong ol tra-

bel. Ekting Lokel Gavman Edvaisa bilong Hagen, Kapping Isong i tokaut pinis long sampela birua i bin kamap long taim ileksen i stat i kam inap nau. Mista Ivong i tok

wanpela liklik meri i dai bihain long ka i bamim em long Takeltiga. Long Mumusa ol i sutim wanpela man long banara tasol em i no dai. Na long Baiya tripela klasrum i bruk i go daun long graun.

Planti bikman i komplem olsem sampela memba bilong Nesenel Gavman i mas wok wantaim sampela kendidet. Oli tok taim ol kendidet ya i win em nau bai ol i wok long sait bilong memba.

Australia ami kisim taim

WANPELA balus bilong ami bilong Australia i bin kisim bagarap taim i laik lusim Satwag ples balus klostu long Lae. Mausman bilong Hai Komisen bilong Australia long Pot Mosbi i tok tripela man insait long balus i bel sut nogut tru, tasol ol i no kisim bagarap. Planti balus i save go

antap long dispela ples balus tasol ol i no save kisim bagarap. Dispela em i namba wan taim.

Balus i kisim bagarap long masin bilong en, wing na long ples bilong pulmapim bensis.

Wanpela tim bilong Dipatmen bilong Ea Fos long Australia bai i kam long Papua Niugini tude

Pokasui sutim tok long Marsipal

OLPELA minista bilong Difens James Pokasui i laik Ministerial komiti bilong Foren Afeas na Difens i mas go pas long wok painimaut long pe bilong ol soldia.

Em i tok taim em i stap long gavman em i bin kamapim dispela tingting bilong stretim pe bilong ol Difens Fos. Taim dispela ol tok-tok i kamap, ol lain bilong Divisen bilong Fainens long Difens Fos i no bin skelim gut pe.

Nau panti pipel laik Difens Kaunsil i mas pinis. Em i min olsem Komanda bilong Difens Fos, Minista na tu Seketeri bilong Difens i mas pinis.

Mista Pokasui i tok em i no wanbel tumas long dispela ol tingting. Ol Difens Kaunsil i mekim wok bilong ol. Na em i sutim olgeta toktok i go long Minista bilong Difens Arnold Marsipal long ol dispela trabel i kamap.

Em i tok Mista Marsipal bin brukim ol lain Komisina Opisa na Non Komisin Opis. Olsem na i no gat wanpela opisa i bin stap long lukautim ol dispela lain ami husat i bin straik.

Mista Pokasui i tok em i no amamas tumas long ol lain ami i brukim haus palamen. Em i tok sapos em i stap minista bilong Difens, em bai askim yet komanda logn autim olgeta lain husat i bin mekim dispela protes mas.

Em i tok maski 500 o 1,000 ami i mas olgeta lain husat; i stap long dispela taim bilong trabel i mas lusim. Difens Fos i no gat spes bilong ol dispela kain ol lain husat i laik bikhet

Komiti bunggen

PALAMEN komiti i go pas long lukautim wok bilong saspensen bilong provinsal gavman bai holim kibung bilong ol long Februari 16-17. Ol bai bung long mekim sampela senis long ol Oganik Lo i karamapim wok bilong komiti na tu ol sampela samting gen.

Siaman bilong dispela komiti, Andrew Ruddaka i tok ol i mas lukluk bek na stretim ol lo i karamapim ol wok bilong provinsal gavman.

As bilong dispela miting em long askim ol loya bilong gavman

long lukluk bek long wok bilong Lo bilong Provinsal gavman. Na tu ol i ken skelim gut wok na komiti i ken kisim ful pawa long mekim ol wok bilong em.

Dispela komiti i no laik stap nating. Ol i no amamas tumas long gavman i yusim ol nating. Dispela kain pasin i no gutpela tumas long wok bilong dispela komiti.

Dispela komiti i kamap olsem wasman bilong lukautim ol wok bilong provinsal gavman. Provinsal gavman em olsem liklik han we nesenel gavman i ken tilim sevis bilong em i go long ol pipel.

Ona tok em i no inap givap

SAMPELA bikman long Not Solomon i tok Francis Ona bai i no inap long lusim bus maski sapos planti askim i kam long Provinsal na Nesenel Gavman.

Long wanpela pas Mista Ona i raitim i go long Primia Kabui em i promis olsem em i no inap lusim pait inap em i dai.

Primia bilong Not Solomon Joseph Kabui na Praim Minista Rabbie Namaliu i bin tokim Francis bai i mas salim wanpela lain bilong em i go kamap long gavman na bai ol toktok long dispela hevi.

Francis Ona i bin makim memba bilong Saut Bougainvil, davi Sisito. Em i tok

em i no bilip ol narapela man. Long 10 Februari i bin raitim wanpela leta i go long Mista Sisito. Em i tokim Sisito olsem em i amamas long gutpela wok bilong em tasol em i mas lukaut gut long wanpela raskol group bilong ol wait man na i stap long Papua Niugini.

"Mi gat bikpela laik tru Bougainvil i mas bruk long Papua Niugini na stap em yet. Mi lukim olsem em i wanpela rot tasol nau yumi ken bihainim long stapim ol man long bagarapim wanem hap graun na bus yumi i gat i stap

nau," Francis i tok. "Long tenpela yia mi bin wok wantaim BCL, mi bin lukim environmental Plen bilong CRA na mi no amamas tumas. Dispela tasol i mekim mi i lusim wok wantaim famili bilong mi na pait long pasim dispela hap graun i stap nau bilong ol pikinini bilong yumi long bihaintaim," Francis i tok.

Mista Ona i tok sapos Bougainvil i lusim Papua Niugini, BCL bai baim dispela K10 bilion na bai stapim kampani na bai lusim ailen.

Olpela Primia bilong Not Solomon, Dokta Alexis Sarei i tok em i no ting bai Francis bai givim em yet long han bilong gavman.

Samban i wari long ol setelmen long Wewak

PRIMIA bilong Is Sepik Bruce Samban na Seketeri bilong em Camilus Narakobi i tok setelmen em bikpela hevi tru insait long kantri.

Tupela i tok Is Sepik provins i gat bikpela hevi nau. Insait long taun eria bilong Wewak ol setelmen i kamap long laik bilong ol. Ol i gro olsem talinga long nait.

Wewak Taun i gat 4-pela bikpela setemen. Ol dispela setelmen em Niugo, Saksak Kompaun, Kaiindi na Kreer maket. Tupela setelmen em ol plenim em long Niugo na Yawasoro. Na ol arapela i no gat plen long buk bilong gavman.

Niugo setelmen i stap insait long taun eria. Na Yawasoro i stap ausait long taun eria.

Primia Samban i tok gavman i givim wara na pawa saplai long dispela tupela setemen bikos gavman i gat long plen bilong em. Na i no olsem ol arapela setelmen i kamap long laik bilong ol.

HENRY MORABANG i raitim

Em i tok Yawasoro i gutpela setelmen. Ol pipel long dispela setelmen i save harim tok na sindaun isi. Na i no olsem ol pipel bilong ol arapela setelmen.

Mista Samban i tok nau yet i gat samting olsem 20 ol setelmen. Ol i no kisim tok orait na kamap long laik bilong ol yet. Dispela i daunim tru wok bilong gavman sevis long go long ol dispela eria.

Saksak, Kreer na Nuigo nau i kamapim planti hevi tru long developmen bilong Wewak taun. Olsem na nau yet primia i tingting long givim ol tok-save long lusim dispela eria. Tasol em i no klia wanem taim tru em bai givim dispela toksave.

Seketeri bilong Is Sepik, Camilus Narakobi i tok insait long wanpela spesel miting long Novemba las yia ol i bin

toktok long setelmen. Ol i bin pasim toktok na tupela kain setelmen.

Namba wan rot em gavman i mas stretim toktok wantaim ol kampani na wokim haus bilong ol wokman bilong ol.

Gavman i mas skelim na lukluk bek long Vagrancy Ekt long Seksen 3 na tu Seksen 42.

Na arapela rot em gavman i mas helpim ol lain i sindaun long graun bilong gavman long painim narapela ples bilong sindaun. Na sapos no gat orait gavman i mas helpim ol long go bek long ples bilong ol.

Ol arapela toktok tu i kamap em gavman i mas skelim pawa bilong lukautim graun i go long provinsal gavman. Olsem na ol i tu i ken lukautim ol hevi bilong graun i kamap long eria bilong ol.

Narakobi i tok setelmen i kamap nem nogut bilong provins na em i laik dispela ol setelmen i mas go sindaun long arapela graun.



HIA EM OL TOKAUT BILONG
WANTOK

Ol memba i gat wok


Palamen i bung gen long dispela wik. Na yumi harim gen olsem Oposisen i laik kamapim vot i no gat bilip long gavman. Oposisen i tok ol i gat planti gutpela as bilong kamapim dispela vot long gavman. Bikpela tok ol i sutim i go long gavman em gavman i no strong inap long stretim ol bikpela hevi i bin kamap long taim ol i bosim PNG.

Em i tru oslem planti ol bikpela hevi i bin kamap. Ol wokman i straik long Ok Tedi, trabel i kamap long Panguna em i no pinis yet na las wik ol soldia bilong Mosbi i mekim bikpela protes na bagarapim nabaut ol samting.

Oposisen i lukluk long ol dispela hevi na i wok long putim i go long progrem bilong em long strongim toktok bilong vot i no gat bilip. Tasol yumi askim yumi yet. PNG i nidim wanpela nupela gavman gen o? Sapos nupela gavman i kamap nau bai ol i stretim ol dispela hevi wantu tasol o? Na hamas mun bai ol i stap long gavman

Mipela ol pipel bilong PNG i les pinis long lukim ol memba i resis tasol long kisim pawa na lusim tingting long mipela. I gat planti ol bikpela wok i stap yet em ol memba bilong Papalen i mas mekim.

Arowe kirapim nupela kampani gen



• John Valilio, siaman bilong Arowe Investment.

AROWE Investment em i wanpela nupela kampani bilong ol papa bilong graun long Is na Wes Arowe long Wes Nu Briten provins. Dispela nupela grup i bin kamap gen bikos ol i no amamas long wok bilong ol Dairekta bilong Arowe Logging kampani.

Ol bikman bilong Arowe kampani i tromoi bikpela mani tru long mekim ol wok-aubut bilong ol long

Kimbe, Rabaul na Mosbi. Em i bikpela as tru na kampani i bruk.

Siaman bilong Arowe Investmen, John Valilio i tok 35 ol wanpisin i memba long dispela nupela kampani, Arowe Invesmen. Ol tu i bin baim sia long dispela bikpela timba kampani. Kampani bai givim ol setifiket bilong sia long ol siaholda.

Ripot i kam long Kimbe i tok olsem ol hetman bilong ol wanpisin bai holim ol setifiket bilong sia.

Provinsal Gavman na Nesenel gavman na lokal Distrik opis long Kandrian i luk-save olsem kampani tru bilong ol papa bilong graun long Arowe eria.

Arowe Investmen i bin askim pinis Nesenel na Provinsal Gavman long holim Timba permit. Na tu ol i askim tu olsem Arowe yet i mas papa long dispela Timba Permit.

Ol Dairekta na Menesmen bilong Arowe Investment i laik dispela kampani i mas helpim pipel.

Namatanai haiskul i tok tenk yu

NAMBA tu lida bilong Oposisen na memba bilong Namatanai Sir Julius Chan i tok em i amamas tru long kisim tenk yu pas bilong Namatanai Bot ov Gavanas bilong Namatani haiskul.

Dispela pas i go long Sir Julius i tenkyu long helpim mani inap long K1,780. Namatanai Haiskul i yusim dispela mani long baim wanpela bot long helpim pis projek bilong skul.

Sir Julius i tok em i amamas tru taim em i lukim dispela pas.

Em i bin promis long givim ol dispela mani insait long 1988 Graduesen De bilong ol.

Em i tok em i amamas bikos wan wan lain i save rait na tok ol i amamas long helpim. Tasol planti i no save mekim olsem ol lain bilong Namatanai i bin wokim.

Sir Julius i tok dispela i no bikpela mani tasol bai helpim tru dispela skul long projek bilong ol. Na em i tok em i gat bilip olsem dispela projek bai karim bikpela kaikai bihaintaim.

Moa ples long Madang kisim lektrik pawa

OL PLES i stap klostu long Madang taun nau bai kisim lektrik pawa saplai. Primia bilong Madang Andrew Ariako i tokaut long dispela long las wik.

Ol ples ya em Yabob, Bilbil, Tanden na Bahor. Ol pipel bilong ol ples ya bai baim pawa wankain olsem ol man i stap long taun. Elkom bai putim ol mita boks taim ol wok insait long haus i pinis.

Madang Provinsal Gavman i putim pinis K33,900 na Ilektrisiti Komisin bai putim K100,000 long kamapim dispela wok. Nesenel Gavman i no tokaut yet long hamas mani em bai putim.

Primia Ariako i tok dispela bai i givim sans long olgeta bisnis bilong Madang taun long kamap bikpela. Na tu bai ol i mekim ol wok bilong ol i go aut long ol dispela ples.

Ol man bilong kisim pis bai painim moa pis, long wanem nau bai ol i gat bokisais bilong putim ol pis bilong ol bihain ol i salim. Mista Ariako i tok tu olsem em bai i helpim tu ol skul pikinini long mekim ol stadi bilong ol long nait. Na ol yut grup wantaim ol sios grup bai i kamapim ol kain kain pilai bilong mekim long nait.

Em i namba tu taim nau ol ples bilong Madang bai i kisim lektrik pawa saplai. Dispela progrem i stap aninit long wanpela skim bilong Nesenel Gavman ol i kolim long Rurel Elektrifikesen Skim. Siar viles i namba wan ples long kisim lektrik pawa long las yia.

Wantok

P.O. Box 1982, Boroko
Telepon: 25 2500
Teleks: NE 22213
Faks: 25 2579

PE BILONG WANPELA YIA, 52 NUSPEPA

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K16
Amerika & Europe	K118	K60

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

Rabaul pilim liklik guria

LONG Mande 13 Februari, wanpela guria i bin kamap long maus bilong Grit Haba long Rabaul.

Ripot i kam long Rabaul i tok olsem

dispela guria i bin kamap 3 kilomita daunbilo long graun na long sampela hap bilong Rabaul ol i bin pilim dispela guria.

Strong bilong em inap long mak bilong 3.3.

Opis bilong lukautim maunten paia long Rabaul i tok olsem dispela guria em i no bikpela samting tumas na i no gat tenis i kamap long senisim plen bilong Stej1.



Sir Julius opim somil

LONG Trinde 15 Februari namba tu lida bilong Oposisen Sir Julius Chan i bin opim Kasokana somil long Okapa insait long Goroka.

Wanpela lokel bisnis grup bilong dispela hap bai i lukautim olgeta wok bilong Somi. Tasol bisnis i bilong ol papa bilong

graun.

Sir Julius i tok strong long Kasokana Grup olsem ol bai i mas lukautim gut bus bilong ol na wokim ol timba we ol man i ken baim long mekim gutpela haus. Em i tok amamas long ol long kamapim dispela projek.

Sir Julius i tok tu olsem taim ol i stap

long gavman wanpela astingting bilong ol long lukluk long ol wok olsem egrikalsa, fiseris na forestri na hamas mani bai dispela ol samting i kisim i kam insait long kantri.

Long dispela tasol em Gavman bilong Wingti i bin mekim planti toktok long kamapim wok.

Oposisen laik putim vot i kam long pes 1

paia stret taim Palamen i bung. Nau yet dispela vot i no gat bilip i stap pinis long notis pepa long palamen.

Em i tok ol i mas ritim tupelela taim na ol memba i mas paitim toktok long Vot i no gat bilip na bihain ol memba bai tromoi vot bilong ol.

Ol Oposisen memba i bin tok olsem ol bai sapotim ol senis em gavman bilong Namaliu i laik mekim konstitusen. Ol bai traime surikim taim bilong kamapim vot

i nogat bilip i nap 30 mun. Dispela 30 mun i pinis orait ol i ken kamapim nupela vot i no gat bilip.

Mista Giheno i tok sapos gavman i win bihain tasol long ileksen orait em bai stap 30 mun olgeta long opis. Orait bihain Oposiesen i no amamas long wok bilong ol orait i ken kamapim vot i no gat bilip. Bikos nau yet 6-pela mun i sotpela tumas na gavman i no gat sans long mekim ol wok bilong ol.

Ok Tedi helpim ol asples long wara saplai

I GAT 2,000 pipel klostu long Ok Tedi Main i kisim wara saplai pinis. Na sampela moa long 10-pela ples long ol wara Flai na Alis klostu nau bai kisim wankain helpim.

Dispela bai i bringim namba bilong ol pipel i kamap samting olsem 4,000 olgeta.

Ol ples i kisim wara saplai pinis em long Moian, Kawok, Tarabits, Kungim, Ereka, Atkamba na Dome.

Dispela program bilong wara saplai i stap aninit long wanpela program em Flai Riva Provinsal Gavman na Ok Tedi Main i bung wantim long kamapim.

Mani bilong dispela projek i kam long Nesenel Gavman Boda Developmen Program na Kiunga Lek Mari. Ok Tedi i givim

helikopta wantaim bot na ol wokman. Pe bilong projek em long K6,000.

Wanpela medikal opisa, Dokta Graham Haina i tok ol ples ya i save kisim bagarap long bikpela san na long tiam bilong wara i tait. Dispela i bagarapim ol gutpela wara bilong dring.

Memba bilong Not Flai Bob Bubeck i tok dispela helpim i soim gutpela wok bung wantaim nau i stap namel long Ok Tedi na Flai Riva Provinsal Gavman.

Em i tok Ok Tedi Main i no kam long painim gol tasol, nogat, em i kam long helpim ol pipel.

Memba i tok tu olsem dispela kain pasin ol wokim bai i mekim ol pipel i gat bikpela bilip long ol.

Tok Pisin skul program bilong YWCA

YANG Wumen Kristen Asosiesen (YWCA) long Goroka nau i gat wanpela skul bilong rit na rait long tok pisin.

Dispela skul i bin stat long mun Desemba las yia. Ol i kolim dispela program "Kisim Save Program."


Wanpela voluntia meri bilong Australia, Debbie Chapman i bin statim dispela skul na Nesenel Litresi Program na Nesenel YWCA long Pot Mosbi i bin helpim em.

YWCA bilong Australia na Goroka Provinsal Gavman bai helpim ol tu long sampela mani. Tasol Mis Chapman i tok ol i no save wanem taim ol i kisim dispela helpim.

Nau ol i wok long yusim wanpela haus em YWCA bilong Goroka i wokim. Long dispela haus i no gat ol samting olsem sia na tebol. Na tu i gat wanpela blak bot tasol.

Samting olsem 30 o 40 meri nau i wok long kamap long skul. Skul fi bilong ol em long 20 toea long wan wan de. Na dispela skul i bilong husat meri i laik kisim save. I gat ol yanpela i go inap long lapun tu i kamap long dispela skul.

Ol meri bai i skul long 30 wik bihain na ol i ken greduet. Tasol Mis Debbi i tok long dispela yia bai ol i traim tasol. Bihain sapos ol i lukim olsem program kamap gut, bai ol i skruim i go olsem long wan yia olgeta.



• Ol pipel bilong ples Kawok i kisim wara long nupela 28,000 lita wara teng bilong ol.

Eks kriminal task fos egensim bia faktori

EKS Kriminal Task Fos na ol yut bilong Westen Hailans provins i no amamas long nupela bia faktori em bai kamap long Kerowagi, Simbu provins.

Kodineta bilong Task Fos, Peter Karaput i tokim Wantok olsem dispela nupela faktori bai inap bagarapim sindaun bilong ol pipel.

Em i tok ol lida i gat planti ol gutpela aidia long ekonomik developmen tasol ol i no tingting long sindaun na laip bilong ol pipel. Dispela em i namba wan samting.

Em i tok ol politisen i no tingting tumas long laip bilong ol pipel. Oslem na dispela ol hevi i wok long kamap bikpela long ol ples, taun na tu long siti.

Mista Karaput i tok nau sindaun bilong ol pipel i bagarap na wok bilong ekonomi i no gutpela tumas. Bikos lida i ting wok ekonomik i gutpela tasol ol i popaia.

Insait long rekot bilong haus sik, kot haus, welfa na plis i soim olsem planti ol trabel kamap bihain long ol man i dring planti bia tumas;

• Ol haus kalabus i pulap long ol man i brukim lo long dring bia.

• Olgeta de kot haus i pulap long ol man i brukim lo

• Rekot bilong ol plisman i soim olsem planti ol trabel i kamap em long bia.

• Opis bilong welfe opis i pulap bikos long marit i bruk bihain long bia tasol.

• Rekot bilong haus sik i soim olsem planti man i bin spak na bungim ol birua.

Planti toktok i kamap nau long toktok long helpim na strongim wok ekonomi. Tasol ol i no nogat wanpela lida i tingting long helpim ol pipel.

Mista Karaput i tok dispela nupela bia faktori bai bagarapim sindaun tasol bilong ol pipel. Na bai i no inap helpim tru ol ol pipel insait long Hailans rijon.

Em i askim ol pipel long noken autim tumas toktok long wok ekonomi, indastriel ekonomi na wok politik. Ol i mas traim toktok long sosel developmen we i ken kamapim gutpela sindaun bilong ol pipel.

Mista Karaput i tok PNG i no inap kamap gut sapos ol lida i no tingting sosel laip (helt na edukesen) bilong ol pipel. Sosel laip em namba wan samting we i ken kamapim gutpela sindaun.

Telefomin i laik lusim Sandaun

MOA long 4,000 pipel long Telefomin Distrik i bin mekim wanpela protes mas long bruk lusim Wes Sepik provins. Telefomin em wanpela bilong ol 6-pela distrik insait long Wes Sepik provins. Provinsal memba bilong Telefomin

P i a m n o k Lakurengkim i tokim Wantok long Vanimo olsem ol pipel i laik bruk lusim Wes Sepik. Bikos gavman i no save givim gutpela pela krismas nau Telefomin i no save kisim wanpela gutpela developmen long hetkwata long Vanimo.

Nau ol pipel i tingting yet long bruk lusim Sandaun na joinim Westen Provins. Tasol sampela pipel i laik kamapim nupela provins bilong ol yet bikos ol i laikim gavman sevis.

Ripot i kam long Vanimo i tok ol pipel i wokim gutpela protes sevis long ol pipel.

SKELIM TOK...
Josepha Namsu



LONG TAIM mi raun insait long Papua Niugini, mi save bungim ol meri na man na toktok long ol long ol rot bilong kisim helpim bilong lo.

Long wanpela bikpela bung i bin kamap long Mendi, mi kirap nogut long wanpela tok na askim bilong wanpela lapun mama bilong ples. Dispela lapun i no save long Tok Pisin na wanpela yangpela boi i tanim tok bilong em.

Mama ya i tok, "Pikinini, mi harim toktok bilong yu olsem lo i tambuim pasin bilong man i paitim meri. Na mi amamas. Mi lapun meri pinis na dispela lo i tulet long helpim mi. Tasol pikinini meri bilong mi bai inap long kisim helpim long dispela lo. Mi tenkyu long gutpela wok gavman i giim yu long mekim."

Lapun mama i tok moa olsem:

"Pikinini mi lapun pinis. Mi karim planti pikinini na ol pikinini klostu i marit nau. Mi tokim yu, mipela ol meri i kalabus long taim mipela i marit. Meri i wok fri leba bilong man, bilong wokim mani bilong man, na bilong wokim gaden na was long pik. Na salim na kisim mani bilong man o wokim rot bilong kamapim nem bilong man."

"Long taim mi lapun na susu slek na skin bilong mi i no sain moa na strong bilong mi i pinis, mi no gat wok nau. Man bilong mi i askim mi long kisim namba tu meri. Bel bilong mi no no laik tasol mi no inap long stapim laik bilong man. Mi save olsem mi no strong moa long wokim ol bikpela wok na mi save mi no inap karim moa pikinini."

"Long tingting bilong mi, mi tok, em i orait long man i kisim namba tu meri-yangpela meri husat i gat strong long wok na bai man bilong mi i gat laik long stap wantaim em. Bai mi ken malolo long wok na malolo long karim pikinini."

Sapos mi no laik na mi kros bai wanem samting i kamap? Mi no gat strong long

pait. Mi no inap go bek long ples bilong mi. Man bilong mi i baim mi pinis. Sapos mi kisim ol pikinini bilong mi i go bek long ples bilong mi bai ol i go stap we? I no gat graun bilong ol. Bai husat i baim meri bilong ol long taim ol i marit? Sapos ol i wokim rong bai husat i helpim ol long baim kompensesen?

Mi skelim ol dispela samting na mi lukim olsem mi no gat rot. Mi no mekim rong tasol mi olsem wanpela kalabus meri."

Mi harim dispela toktok bilong lapun mama ya na mi no gat wanpela gutpela bekim long givim em.

Mi tingim wanpela susa bilong Solomon Ailan husat i raitim wanpela hap kraik long tok Inglis na mi tanim i go long Tok Pisin. Em i go olsem:

"Susa, man bilong mi paitim mi na mi kam long yu."

"Mi pret long man bilong yu, mobeta yu go lukim bikpela brata."

"Brata inap yu helpim mi na tripela pikinini bilong mi?"

"No waris susa, tasol maus bilong meri bilong mi i sap tumas. Yu go askim papa."

"Papa mi gat hevi na mi kam bek wantaim tripela pikinini."

"Na bipo mi tok wanem? Yu bin sakim tok bilong mi na marit. Goan yu go bek long man bilong yu nau, em i baim yu pinis."

"Plisman helpim mi. Man bilong mi i paitim mi."


"Sori tru meri, em i samting bilong yu na man bilong yu."

"Pasto, yu inap helpim dispela tarangu sol bilong mi? Sapos mi inap, bai mi brukim marit."

"Yu no inap, bikos baibel i tok i tambu long brukim marit."

Mi no gat rot nau bikos mi no inap go bek long papa. Susa i pret long man bilong mi, maus bilong tambu meri i sap tumas, plisman i tok em i samting bilong mi na man bilong mi. Mi les long man i paitim mi oltaim. Tasol bai mi go we?

"Man bilong mi, mi kam bek. Mi bringim dispela bruk bodi na pes bilong mi wantaim dispela swithes nogut. Mi olsem wanpela bal ol i kikim i go kam. Mi les long ol i tromoi mi i go kam nabaut olsem na mi kam bek long yu. Yu ken pinisim laik."



KABUL, Afganistan - Ol manmeri i baim ol prut nabaut long bikrot bilong siti Kabul. Olgeta prut i kam long Pakistan, wanpela kantri i stap klostu long Afganistan. Kaikai i sot tru na balus i wok long kisim long Rasia i go long Afganistan.



CENTAM, San Salvador - Mausmeri bilong UNICEF Audrey Hepburn i lukluk raun long wanpela liklik haus sik long San Salvador. Hepburn wok long lukluk raun long Sentral Amerika nau.

Ol kalabus tambu long kaikai

MOA PIPEL insait long Saut Afrika i wok long bung wantaim ol 300 kalabus husat i wok long tambu long kaikai. Na Asbisop Desmond Tutu bikman bilong Engliken sios tu klostu bai i bung wantaim ol.

Ol 300 kalabus i bin mekim dispela protes

long soim olsem ol i no amamas long lo bilong gavman we i kalabusim nating ol pipel na i no gat kot bilong ol.

Wanpela i bikman bilong Saut Afrka, Allan Boesak i tambu long kaikai nau. Boek em i man husat i gat nem long helpim ol pipel long taim gavman i kalabusim ol nating .



KENS, Australia - Skwatron lida Tony Jones bilong Royol Australia Air Fos i lukluk long wanpela balus em i pundaun long taim bilong Wol Woa 2. Balus ya i pundaun long bikbus bilong Kens long 7 Septemba 1944. Ol i wok tu long painim ol lain bilong ol 19 manmeri husat i bin stap insait long dispela balus.



KABUL, Afganistan - Tupela man ya i slip wantaim gan bilong ol taim ol trening long Kabul biktaun bilong Afganistan. Ol soldia bilong Afgan i kamapim nupela lain bilong ol long lukautim siti long taim ol Rasia i lusim plesna go bek gen long Rasia.

BENSON and HEDGES

STERLING 25s

Government Warning. Smoking
is Dangerous to Health.



PANMUNJOM, Saut Korea - Man i makim gavman bilong Not Korea, Paik Nam-jun (lephan) na mausman bilong Saut Korea, Song Han-ho i kisim pepa we i gat nem bilogn ol deleget bilong ol. Tupela i stretim toktok bipo long ol praim minista bilong tupela kantri i bung.



LIMA, Peru - Plis bilong kantri Peru i holim man ya Jose Sotomayor, husat i kamera man bilong wanpela televisen stesin. I bin gat wanpela protes mas bilong ol wokman bilong gavman klostu long palamen haus na ol plisman i holim sampela man-meri.

Moa trabel kamap long Afganistan

GAVMAN bilong kantri Afganistan i singaut gen long ol rebel paitman i mas kam ausait na tok-tok wantaim gavman.

Presiden Najibullah na gavman bilong em i skim ol paitman long kam sindaun na tok-tok wantaim long pinisim dispela hevi. Ol las lain soldia bilong Rasia i lusim Afganistan las wik na nau bikpela pait i wok long kamap namel long ol rebel paitman na ol lain soldia bilong gavman.

Presiden Najibullah i putim toksave tu long redio na televisen. Toksave ya i tok olsem gavman bai i baim ol samting bilong pait em ol dispela lain rebel paitman i holim nau.

Tasol ol dispela lain rebel paitman i tok olsem ol i no inap tru long givap inap long


taim ol i autim gavman bilong Najibullah. I gat wan wan ol soldia bilong Rasia tasol i stap nau long Afganistan. Ol lain ya

i wok long was i stap long ples balus na luk-luk long ol balus i wok long kam insait long Kabul, biktaun bilong Afganistan.

Ripot i kam long Kabul i tok olsem olgeta soldia bilong Rasia i lusim ples pinis na nau i gat samting olsem 200 wokman bilong gavman tasol i stap yet. Ol tu klostu bai lusim ples nau.



WARSAW, Poland - Bikman bilong Solidariti Lech Walesa grup i wok long luk-luk long niuspepa bipo long wanpela bikpela kibung namel long ol Solidariti na ol Gavman.



PRETORIA, Saut Afrika - Kaptan Jotham Mashaba i namba wan blak plisman i kisim wok olsem mausman bilong opis bilong wanpela kabinet minista. Dispela wok i hat tumas bikos dispela kain sindaun namel long ol waitman na blakman long Saut Afrika.

Pei em i liklik... Teis em i gutpela tru!



TASOL

"I NO PEIM MOA!"

Ol papa bilong graun i gat rait

Dia Edita,
Mi no amamas long kain stori, wanpela olpela sapota bilong Panguna Landowners Asoseisen i putim long niuspepa. Dispela man i no sainim nem tasol em i putim olsem em wanblut bilong Francis Ona.

Mi laik tok olsem long dispela poroman. Yu no tingim ol arapela lain bilong yu. Yu wok long tingim yu yet. Arapela samting tu i bin kamap long dispela pas em yu tok olsem yu wanpela papa bilong dispela graun em Panguna main i sindaun long em.

Dispela toktok long kaisa, em tingting wanpela man tasol. Yu no tingim ol arapela lain olsem Dapera, Moroni na Pirurari. Dispela hevi i stap bipo yet. Nau yupela ol yangpela lain bilong Francis Ona i lukim na i no amamas na pait long em.

Dispela bikpela kompani. CRA nusat i go pas long BCL i no bagarapim tasol Panguna main. Em i bagarapim oigeta eria klostu long dispela eria.

Dispela taim tambu (curfew) i kamap nau i soim olsem lo na oda i no gutpela tumas long

provins. Lo na oda i wok long bagarapim sindaun bilong ol pipel.

Ol pipel i mas tingim tu ol yangpela bilong bihaintaim. Nau yet ol ovasis lain i wok long kam insait na laik bagarapim gutpela ples bilong mipela. Na liklik taim dispela bikpela ailan bilong Not Solomons bai kamap ples wesan tasol.

Long ailan Bouganvil, kopa i stap long olgeta hap. Wanem hap kona yu sindaun, kopa i stap olsem na Bouganvil Ailan em wanpela ris ailan stret.

Ailan bilong Bougainvil i sindaun antap long ol kain samting olsem gol, kopa, wel, na planti ol arapela minerel. Ol pipel i no askim kampani long pinisim wok. Ol pipel i laik tasol long kism ol developmen.

Watpo tru na gavman na CRA kampani i singautim ol plisman long go stapim pait. Ol papa bilong graun i gat rait long pait long graun bilong ol.

**Naroon Matau
Arawa, NSP.**

Salim buai long maket stret

Dia Edita.
Mi no save amamas long lukim wanpela samting em sampela lida bilong mipela long palamen i save mekim.

Sampela lida bilong mipela i no save mekim gut wok bilong ol long palamen. Ol i save lus tingting olgeta long pipel bilong ol na tingting long poket bilong ol tasol. Na planti bilong ol i save toktok tumas long wok bilong Pater John Momis.

Pater Momis i wanpela gutpela nesenel lida bilong mipela.

Mipela planti pipel i save rispektim Pater John Momis. Bikos em i wanpela lida husat i save mekim gut tru wok bilong em. Long wanem em i no save baim sia long kamapim bisnis bilong em yet na ol kain samting olsem.

Long taim em i go insait long

palamen i kam inap nau, nem bilong em i bin stap gut tru. Olsem na dispela kain lida em ol pipel bilong PNG i mas makim long palamen.

Kantri bilong yumi inap long bagarap bipo yet bikos planti memba i save tingting long o yet. Na ol i lus tingting olgeta long wok bung wantaim na bringim developmen i kam insait long kantri.

Tasol Pater Momis i stap na save skelim wok bilong ol. Olsem na ol i save pret na mekim gut wok bilong ol na kantri bilong yumi i kamap gut liklik i kam inap nau.

Em tasol liklik sapot bilong mi long gutpela wok bilong Pater John Momis.

**Jill Gak,
Monpori Section,
West Coast-Buka,
North Solomons Provinces.**

Tingim ol pipel tu

Dia Edita,
Mi wanpela manki bilong ples Nipinaga long Goroka tasol nau mi stap long Kupiano long Sentral provins. Mi laik sapotim pas bilong brata Opis Lama na susa Rebecca Kondis em i bin kamap long Wantok niuspepa.

Tupela i tok olsem memba bilong ol Joel Paua i no mekim gut wok bilong em.

Mi wanpela manki bilong narapela provins. Tasol long lukluk bilong mi, mi ken tok olsem Paua i no tingim ol pipel bilong em. Bikos em i no save tingim ol pipel bilong em na toktok strong long bringim developmen i go long ol.

Em i save go stap long taun bihan long em i winim vot. Na i no save go lukim ol pipel long ples.

Na long taim bilong ileksen tasol bai em i kamap kempen long ol ples. Na ol pipeli givim nating vot bilong ol. Dispela i no pasin bilong wanpela strongpela lida.

Olsem na mi laik sapotim brata Lama na susa Kondis na askim yupela ol pipel bilong em long tingting gut long dispela.

Mi laik askim tu Joe Paua olsem yu mas tingim pipel bilong yu.

Bikos vot bilong ol tasol i mekim na nau yu kism gutpela pe na ol kain samting olsem.

**Danny Ifa,
Aerato Brothers,
P.O. Box 7391,
Boroko-NCD.**

Maski raun nating long siti

Dia Edita,
Inap long givim mi liklik spes long mi bai mi putim liklik wari bilong mi.

Mi wanpela man Enga mi stap long Wabag nau.

Mi bin go raun long Mosbi siti long 25/1/89 na mi lukim ol Enga manmeri salim buai long 4-Mail na Boroko maket na tu long taun na mi lukim em i no gutpela long mi.

Ol meri salim buai na mar bilong ol sindaun long baksait bilong ol.

Em i no gutpela long yupela wokim olsem. I gat planti wok long ples bai yu kism mani. Em isi tru bro na sis. Mi save lukim ol manmeri save kam long Mosbi ol i save wok long bikpela wok na kam na so op long ples tasol nogat. Ol save salim buai na

giaman kam paulim mipela ol lain long ples.

Taim bilong ol long kam long ples ol save baim gutpela samting na kam so op.

Yes, yupela ken paulim ol lapun tasol long mipela save long yupela lap long ol lain save tu hat na save

salim buai.
Traim na kam wokim wok long provins. Husat laik sapot o bekim rait tasol long Wantok bai mi lukim

**Kalas Sambatin
S.S.R.
Wabag.**

Makim ol gutpela lida

Dia Edita.
Mi no save amamas long lukim wanpela samting em sampela lida bilong mipela long palamen i save mekim.

Sampela lida bilong mipela i no save mekim gut wok bilong ol long palamen. Ol i save lus tingting olgeta long pipel bilong ol

na tingting long poket bilong ol tasol. Na planti bilong ol i save toktok tumas long wok bilong Pater John Momis.

Pater Momis i wanpela gutpela nesenel lida bilong mipela.

Mipela planti pipel i save rispektim Pater John Momis. Bikos em i wanpela lida husat i save mekim gut tru wok bilong em. Long wanem em i no save baim sia long kamapim bisnis bilong em yet na ol kain samting olsem.

Long taim em i go insait long palamen i kam inap nau, nem bilong em i bin stap

gut tru. Olsem na dispela kain lida em ol pipel bilong PNG i mas makim long palamen.

Kantri bilong yumi inap long bagarap bipo yet bikos planti memba i save tingting long o yet. Na ol i lus tingting olgeta long wok bung wantaim na bringim developmen i kam insait long kantri.

Tasol Pater Momis i stap na save skelim wok bilong ol. Olsem na ol i save pret na mekim gut wok bilong ol na kantri bilong yumi i kamap gut

Krangin pasin

Dia Edita,
Mi gat bel hevi long taim mi bin lukim piksa na stori bilong ol soldia i bin paitim wanpela niusman long Wantok Niuspepa (namba 762).

Dispela kain pasin i no gutpela tumas na tu i soim olsem ol soldia i no gat strongpela bilip long militari polisi bilong ol yet.

Kantri bilong yumi i wok long kamap olsem wanpela kantri long Europe we ol pipel i no gat strongpela bilip long gavman bilong ol yet na ol i save wokim kain pasin olsem.

Long dispela pasin ol i bin wokim long tarangu niusman, em i wanpela krangi pasin stret. Sapos ol niusman no gat, bai yumi no inap save wanem samting i wok long kamap namel long ol manmeri na gavman bilong yumi o wanem samting i wok long popaia long ol narapela ol provins.

Sampela bilong ol dispela hevi i wok long kamap nau em bilong ol gavman bilong bipo olsem na mi askim yupela olgeta bai yumi wabel na bung wantaim long sapotim Namaliu gavman bai ken stap longpela taim na tu dispela gavman bai lukluk gut long ol hevi bilong yumi.

Jon Girappa, Lepwing Drive. Port Moresby

KKB i papa bilong Tuta plantesin

Dia Edita,
Mi laik autim liklik wari bilong mi i go long ol pipel bilong Tuta insait long Kainantu, Isten Hailens provins.

Tuta Kopi plantesin em i no bilong yupela ol pipel bilong tuta.

dispela plantesin em i han han bilong kampani, KKB Menesem Sevisis. Ol wokman na ol bos husat i go wok long dispela plantesin i wok aninit long dispela bikpela kampani. Olsem na yupela i noken kom-

plen tumas long ol. Mi sem pinis long ol meri i save komplek nating long ol wok na ol arapela samting bilong kampani.

**Martin K. Aure
P.O. Box 31,
Kainantu, EHP.**

Arawa i gat K5. bisnis

Dia Edita,
Mi bilong Banz insait long Westen Hailans provins. Mi stap nau long Arawa na mi laik sapotim tru toktok bilong Helen M W bilong Arawa. Pas bilong Helen i bin kamap long Wantok Niuspepa bilong Fonde Desemba 14, 1988.

Pas bilong Helen i bin toktok long ol man i save painim wok nabaut long taun. Wanem kain gutpela wok i stap long taun na planti pipel i save laik lusim ples? Bikpela mani i stap long ples. Yupela mas sindaun long ples, mekim wok na yupela bai painim mani.

Taun i no gat mani. Insait long Arawa yet, bikpela toktok i save sut long ol yangpela red skin man na meri i save mekim trabel na kamapim ol rabis pasin. Dispela kain ol toktok i no gutpela na yupela ol lain husat i save mekim olsem i mas senisim tingting.

Planti yangpela meri i save amamas long grisim marit man na kism K5.00. Tasol yupela i save long wanem stori i save kamap long baksait bilong yupela. Planti pipel i save kolim yupela olsem ol K5.00 meri. Yupela painim wanem na kam stap long taun na bihainim dispela kain pasin bilong salim skin bilong yupela long K5.00? Ples i gat bikpela rot bilong kism gutpela na klinpela mani i stap.

Ol blak skin meri long Arawa na ples bilong ol yet i no save mekim dispela kain pasin. Yupela mas sem long yupela yet. Go bek long ples bilong yupela na mekim ol dispela kain pasin bilong salim skin long K5.00.

Na ol brata red skin tu i no save stap isi long ples bilong arapela man. Ol i save holim botol na mekim nabaut long ol arapela.


Ol blak skin man em ol fit lain stret bilong dring bia. Tasol i luk olsem yupela save dring bia olsem ol liklik pikinini i dring bia.

Mi marit long Kieta na mi stap inap 12-pela yia olgeta tasol mi save lukim olsem ol blak skin bilong Kieta, Arawa, Buin, na Suwi i no save mekim olsem. Tasol yupela ol wantok bilong mi yet i save bagarapim gutnem bilong yupela.

**Kui Aron Ane,
P.O. Box 697,
Arawa,
NSP.**



LUKLUK LONG NUPELA 1kg PAKET



**OL SURIKIM KOMPETISEN I
GO INAP LONG FEBUARI 27.
Ol planti i laikim tru!**

**rais i waitpela moa...
na gutpela prais!**

**PILAI
NAU NA
BAI YU KEN**

WINIM

Sunwhite ENTRY FORM

Raitim nem, edres na phone namba bilong yu long dispela entri fom. Salim i kam wantaim tenpela rais man i stap long Sunwhite 1 kg rais paket na inap bai yu kamap wina. I gat TV set bai ol i droim long wanwan mun na long gran prais bai ol i droim long 27/2/89 i gat wanpela TV set, Vidio Pilaia na Jenereta bai inap yu winim.



Name:

Address:

Phone:

Send to: **SUNWHITE RICE, P.O. Box 1660, Port Moresby.**
Entries close Monday 27th February, 1989.
 Employees and families of Rice Industries and their advertising agency HRD Advertising are not eligible to enter this competition.

Em i isi! Katim
 (tenpela rais man i stap long)
 1 kg Sunwhite Paket na salim wantaim nem na adres bilong yu i kam long ofisal entri fom long:
 Sunwhite Rice, P.O. Box 1660,
 Pot Mosbi. Resis bai i pas long 27/2/89.



Rausim bia fektori

Dia Edita,

Mi wanpela manki bilong ples Turubu long Is Sepik provins, tasol nau mi stap long Tensiti setelmen long Lae.

Mi laikim autim liklik wari bilong mi i go long Nesenel gavman. Planti pipel i save tok olsem kantri bilong yumi em i wanpela kristen kantri. Tasol mi ting olsem Papua Niugini em i wanpela kristen kantri, orait gavman bilong yumi i mas pinisim na rausim ol fektori bilong bia.

Buk Baibel i tok long Galesia 5:19 olsem; man husat i dring bia na bagarapim haus holi bilong God bai i no inap long go long Heven. Pasin bilong dring bia na mekim pamuk pasin bai i no inap tru long bringim wanpela man o meri i go long dua bilong Heven.

Mobeta yumi mas tok olsem Papua Niugini em i wanpela lotu kantri. Bikos kristen em i min long ol lain pipel husat i tanim bel pinis na i baihainim ol gutpela skul bilong God.

Yumi ken tok kristen taim ol pipel i bihainim stret ol tising bilong buk Baibel. Nogut yumi givim sem nating long bikpela Jisas Kraiss. Na bai em i tromoi yumi long bikpela paia.

Sapos yu husat i laik bekim na sapatim o egensim tingting bilong mi salim pas tasol long Wantok Niuspepa.

Petrus Wombi,
P.O. Box 1253,
Lae,
Morobe Provins.

I gat as bilong trabel

Dia Edita,

Mi laik bekim pas bilong brata ya, Judas Muten. Pas i bin kamap long Wantok Niuspepa long Fonde 19 Janueri, 1989.

Muten i bin tok olsem em i no amamas long ol lain munkas i bagarapim ol samting long Panguna. Na mi laik tok olsem, ating yu mas tingting gut pastaim na raitim pas. Yu mas save olsem, ol samting

i kamap i no bilong nau. Dispela hevi emi bilong bipo yet. Ol samting ol i bagarapim i soim tingting na helpim bilong ol.

Na dispela lo bilong yu bin tok long en tu i no bikpela mani wankain olsem Reve-niu Gavman i save kisim long B.C.L. Na dispela hap mani i stap long en nau ol papa bilong graun i tok gut bai pinis long en. Bai ol i planim ol

kaikai antap long ol ston gen o olsem wanem.

Long bagarap bilong dispela graun bilong tumbuna bilong ol, ating ol tu inap kisim gutpela sindaun bilong ol.

Ating em liklik tok-tok bilong mi long pas bilong yu.

Max Long,
Wewak Town.
E.S.P.

Kainantu em liklik taun o?

Dia Edita,

Mi bilong Kinko, viles long Henganofi insait long Isten Hailens provins. Mi laik autim liklik wari bilong mi long dispela liklik taun bilong Kainantu.

Kainantu taun i no lukluk olsem wanpela taun liklik. Em i luk tasol olsem wanpela banis bilong bulmakau i save stap

long en.

Bilong wanem tru na ol lain bilong Lens Dipatmen i save pasim dispela ol bikpela hap graun i stap nating na i no laik larim ol pipel i sanapim ol bisnis long en? Dispela i no gutpela pasin tumas.

Mobeta, ol i mas senisim tingting bilong ol olsem bai

Kainantu i ken kamap olsem wanpela taun.

Sapos yu husat i laikim wokim sampela toktok bilong yu tu long dispela, salim pas tasol long Wantok Niuspepa.

Rocky Temponto,
Kinkio Viles,
P.O. Box 26,
Kainantu.



Agarobi pipel i laikim gutpela rot

Dia Edita,

Han rot insait long Agarobi Konstituensi, Kainantu EHP i bagarap olgeta. Mipela ol pipel husat i save yusim dispela hapo rot i gat bikpela wari tru.

Rot i no gat baret long sait bilong kisim wara i go aut. Planti bikpela hul tu i stap namel long rot stat long ples Tute i go insait long Konkua SD Misin komyuniti skul. Yu i no inap tu long painim wanpela gutpela bris long dispela rot.

Olsem na mipela ol pipel bilong dispela hap i laikim Open memba

bilong Kainantu, Avusi Taanau na memba bilong Agarobi Institutuesi, Jack Laina long harim dispela hevi bilong mipela. Em long ol lain bilong ol dispela ples; Aiamontenu, Biamp, Punano, Unatu, Bilimoya, Tuta na Asupuiya.

Mipela i laik olsem ol dispela tupela memba bilong mipela i mas painim wanpela kampani long stretim dispela hap rot.

Martin K aure,
Tuta Coffee Plantation,
P.O. Box 31, Kainantu, EHP.

Wabag Kaunsil kisim K10 long pispis

Dia Edita,

Mi bilong Laiagam long Enga tasol nau mi stap wok long Mosbi. Mi laik autim liklik tingting bilong mi go long Enga lokel gavman. Mi laikim ol lida bilong Enga tu i mas lukim dispela na tingting long ol dispela kain kain hevi i wok long kamap nau.

Mi bin go raun long krismas long ples na mi kam raun long Wabag taun. Long dispela taim mi kaikai planti na pispis i bagarapim mi stret. Mi ron i go arere long bus na i wok long pispis i stap taim wanpela wokman bilong lokel gavman i kam na holim mi na sasim mi long baim K10. Man dispela i mekim na mi yet i kalap nogut tru na mi pinisim olgeta pispis bilong mi.

Tasol mi sakim tok bilong em long baim K10 na em i karim mi i go long plis stesin. Olsem na mi kirap na askim ol plisman na dispela wokman bilong taun kaunsil. Sapos mi baim K10, inap long yupela i soim mi long ples we toilet i stap long en? Tasol ol dispela lain i kirap na tokim mi olsem no gat toilet.

Mi harim olsem na mi nogat toktok. Mi baim tasol dispela K10 na wokabaut i go long ples.

Olsem na mi laikim lokel gavman o taun eria bilong Enga long sanapim wanpela pablik toilet na maski long stilim nating K10 bilong ol pipel.

Sapos yu husat i laik sapatim o egensim toktok bioong mi, salim pas tasol long Wantok Niuspepa.

Samson Kissa,
Koilaipya Patage,
Hohola Hostel, Mosbi.

Niusman i sapatim pablik

Dia Edita,

Mi laik autim sampela tingting bilong mi long wanem samting em ol lain soldia bilong Mosbi i bin mekim long las Tunde na Trinde. Dispela kain pasin i lusim planti askim nau insait long wan wan pipel.

Dispela em i wanpela disiplin fos o nogat? Samting ol i wokim i tru. Mi yet i sapatim ol. Tasol bilong wanem bai ol i go insait long taun, bagarapim ol samting bilong ol pipel, brukim ka na mekim ol kain hambag pasin long rot olsem?

Mi bin lukim tu long Wantok Niuspepa bilong las wik olsem ol i bin paitim wanpela ripota bilong Wantok Niuspepa long wanem em i kisim piksa bilong ol. Dispela man olsem ol arapela pipel i no gat wanpela kros long yupela ol soldia. Olgeta i sapatim yupela na i laik traिम long helpim yupela tasol.

Yupela i mas save olsem pipel bai i givim sapat long wanem samting yupela i mekim sapos ol i save long dispela. Em long ol wanem kain hevi stret yupela i gat long en na wanem samting em ol bos i bin kaskas long yupela. Na wanpela rot bilong ol pipel long save long wari bilong yupela em long niuspepa. Long dis-



Ol soldia i bin paitim Wantok ripota Joseph Kau lo...

Niusman i kisim taim long lek bilong ol

OLTAIM i save harim planti stori bilong ol niusman i kisim taim long han bilong ol arapela man. Mi save harim tu ol stori bilong ol niusman i dai long ol i go painim nius.

Mi bin wok i stap wantaim tupela arapela wanwok bilong mi long opis bilong mipela long Hohola. Na long 7 klok long nait sampela lain i kam na tokim mipela olsem ol soldia i mekim wanpela protes mas long Murray Bareks.

Mi kisim wanpela kamera na filim na kalap long ka bilong ol lain husat i toksave long mipela na go long Murray Bareks. Narapela ripota bilong Wantok, Francis Uluau i go wantaim

Long taim mipela i kamap long Murray Bareks, ol lain ya i lusim mipela na go bek long haus bilong ol. Mipela i go daun na sanap wantaim ol plisman bilong ami klostu long bikpela get. Mipela i luksave olsem ol soldia i banisim rot klostu long Taurama trafik lait na mas i kam antap long hetkwata bilong ami.

Ol i kamap long ples mipela i sanap na askim ol MP long opim ol get na ol i wokabaut i go inapit long ples we ol bikpela ples bilong ol i...

JOSEPH KAUI i raitim

Salim pas i kam long:
WANTOK NIUSPEPA
PO BOX 1982 BOROKO

pela rot, mi bilip, planti pipel bai i givim sapat bilong ol long yupela.

I tru olsem long sampela taim, ol niusman i save kisim rong nius na putim long pepa. Na long dispela

wankain tasol long ol arapela pipel na bai inap long tokaut long wanem samting long ol pipel i save gat kros long olani bilong niuspepa na radio. Tasol mi yet i gat bilip olsem ol dispela lain i


wanem ol i wari. Dispela i no long ol soldia tasol. Em i wankain long olgeta kain lain, ol studen, yunien grup na wokman na ol wanem kain liklik grup.

Olsem na mi laikim olsem dispela kain pasin i mas pinis nau na isi long ol niusman bai o i ken helpim yupela.

Frisco Papa,
Bombax Street,
Hohola.

MUN FEBRUERI TASOL

K 30
KISIM BEK



SAPOS MOWA
BILONG YU I OLPELA
O BAGARAP PINIS, KISIM
IGO LONG OL BP's STOA
NA TREDIM LONG
NUPELA MASIN.

SAPOS YU BAIM NUPELA ROVER
MOWA LONG MUN FEBRUERI,
ORAIT SUBIM O PULIM O KARIM
OLPELA MOWA BILONG YU I KAM
LONG WANPELA B.P. SUPAMAKET O
HATWE STUA NA MIPELA BAIM DIS-
PELA OLPELA MOWA LONG K30.
MASKI EM WOK O NOGAT. MIPELA
BAIM.

ROVER REAR MOWER 4.0HP
& CATCHER

45cm (18") cut, With big capacity catcher,
A mower that trims on both sides, Adjustable
height control, Handle folds for compact storage,
Reliable 4 stroke Briggs & Stratton engine with
2 year warranty, Metal hub ball bearing wheels,
Temperature sensitive choke for hot or cold starts,
Vertical pull start. Here is your mower.

(703450)

K 399

LESS K30
WITH YOUR TRADE-IN

(703452)

ROVER UTILITY MOWER 3.5HP

48cm (19") cut, 20 position height adjustment,
Folding handle for easy storage, Powerful 4 stroke
Briggs & Stratton engine with 2 year warranty,
"Easy Start" magnetron ignition, Features a
temperature sensitive choke for hot or cold starts,
Designed for rough, tough P.N.G. conditions & is
strong but light & easy to handle.

K 299

LESS K30
WITH YOUR TRADE-IN



BURNS PHILP

Hardware & Building Supplies Nationwide

• PORT MORESBY: 229576 • LAE: 433737 • MADANG: 822488 • MT. HAGEN: 521302
• GOROKA: 721033 • WEWAK: 862322 • RABAU: 922867 • KAVIENG: 942043 • KIUNGA: 581083

BPMAG

Sepik lida sapatim straik

WANPELA komyuniti lida long Is Sepik provins Mista Michael Malenki i sapatim straik bilong ol soldia long

Mosbi las wik. Michael Malenki i bin wanpela mesa bilong Difens fos inap 13 yia na em i pinis.

Mista Malenki i tok gavman bilong Papua Niugini i mas skelim gut tru olgeta liklik kona bilong dispela hevi na kamapim wanpela gutpela bekim long askim bilong ol soldia.

Mista Malenki i tok, "Mi laikim olsem gavman i mas sindaun na skelim gut tru kain sindaun bilong ol soldia nau. Dispela i no min long ol lain opisa long gutpela opisa. Mi toktok long ol biklain long Difens Fos.

Mista Malenki i bin tok tu olsem insait long ol arapela Pasifik Ailan kantri olsem Fiji na namel long ol blut bilong Melanesia, dispela kain hevi olsem ol soldia long Papua Niugini nau i wok long karim bai i no inap pinis.

"Mi yet i sapatim tru dispela samting em ol soldia i mekim long wanem long yet i kam inap nau, gavman i wok long sapatim tasol ol senia opisa.

"Long taim mi bin stap long Fos, mi no bin lukim wanpela gutpela samting i kamap long ol lain long jenerel fos.

WANPELA bikpela so bilong ol Aborijinal meri bilong Australia i kamap nau long opis bilong Australia Hai Komisin long Mosbi. Meri bilong Hai Komisina,

Robyn Joseph i bin opim dispela so long Mande 13 Febueri na long dispela taim ol sumatin bilong sampela skol

long Mosbi i bin kam na lukluk.

Ol i autim ol kain samting olsem ol bilum, ol basket, ol stori bot na planti arapela samting ol meri i wokim. Planti bilong ol samting i stap long dispela so em ol meri i no save mekim bipo.

Misis Joseph i tok olsem ol sios na gavman bilong Australia i bin helpim ol Aborijin meri long kamapim

na strongim ol dispela wok.

"Nau ol i luksave olsem ol i ken yusim ol pasin tumbuna bilong ol long kisim mani tu" Misis Joseph i tok.

Em i tok olsem gavman bilong Australia i kisim dispela so i kam long Mosbi long tokaut olsem ol meri long ples i ken wokim ol dispela kainsamting tu.

Mausman bilong

Australia Hai Komisin, Sandi Logan i tok olsem long planti hap bilong wol ol meri save stap long baksait na ol man save go pas long olgeta samting.

"Mipela i autim dispela so long tokaut olsem ol meri long ples i ken go pas long planti arapela samting tu" Mista Logan i tok.

Em i tok olsem dispela so bai stap long Hai Komisin.

CALLING ALL BANDS

Mipela salim samting bilong Musik...

Emplifaia
Spika
Miksa
Dram
Kibod
Maut Ogen
let bilong Gita
Skin bilong Dram
Ol Songbuk na Kodbuk
Mekim pairap bilong gita nating olsem pawa gita wantaim pick-up bilong gita.
K33.50 tasol.



Rook's Radio, P.O. Box 191,
Lae. P.N.G. Telefon: 424616




• Ol pikinini bilong Boreboa komyuniti skol i lukluk raun long so.

Mekim ol strongpela wok wantaim


YU KISIM HARDIFLEX • HARDIPLANK



I no inap sting




Em i strong moa na i no inap bruk hariap



Ol binatang i no inap bagarapim



I no inap paia



Hardiplank Woodgrain

- I no dia tumas
- I ken raun long ol kain ples
- I save pasim strong bilong san na ol bikpela nois
- I isi long wok long en wantaim ol liklik tul
- Em i gutpela tru-i no gat asbestos o wanpela samting bilong kamapim paia long em

Hardiflex



Steamships

HARDWARE

HELPING TO BUILD THE NATION






HARDIE'S
fibre cement building products




MASSEY-FERGUSONTM

NAMBAWAN TRAKTA LONG PNG



Massey-Ferguson i gat planti kain kain trakta. I gat liklik MF 1020 i save mekim wok insait long ol gaden na fam. Na i gat planti arapela kain trakta tu i go inap long bikpela trakta tru em MF 390. Dispela MF 390 inap pulim ol kain kain samting o tanim graun insait long fam. Em i gat 83hp ensin.

Na o dispela nupela 300 trakta i wok long planti hap insait long PNG. I gat planti ol kain kain samting long en long helpim yu long mekim wok. Yu ken kisim 2WD o 4WD. Na tu sapos yu laikim draipela trakta tru inap long 158hp yu mas kam askim mipela na mipela ken putim oda bilong yu i go long faktori.



ELA MOTORS

YU LAIK SAVE MOA LONG OL DISPELA SAMTING RINGIM OL DISPELA SAVEMAN:
 NORM KEAY PH. 229446 · TELEX NE22125 · FAX 217268 · PO BOX 75 PORT MORESBY
 GRAHAM FLEMING PH. 421215 · 433664 · TELEX NE42432 · FAX 422463 LAE
 WAYNE VOLLMER PH. 921988 · TELEX NE92911 · FAX 921956 RABAUL



• Pricilla Maigu bilong Is Sepik i kisim Diploma in Journalism.



• Ruth Waram bilong Morobe i kisim diploma in Journalism.

Yunivesiti i luksave long wok bilong asples man bilong Simbai

WANPELA man bilong Simbai i bin kisim bikpela namba long Yunivesiti bilong Papua Niugini long Fraide 10 Februeri. Man ya Ian Saem Majnep i no wanpela skul man tasol em i kisim bikpela namba ol i kolim Honorary Degree of Doctor of Science.

Yunivesiti bilong Papua Niugini i givim dispela namba long Saem Majnep long luksave long bikpela wok em i mekim long helpim wok bilong saiens long Yunivesiti bilong Papua Niugini. Em i kisim dispela namba long namba 34 greduesen bilong Yunivesiti we 481 manmeri i bin greduet.

Mama i bin karim Ian Saem Majnep long ples Gobnem long Upper Kaironk Veli long Madang provins long 1948 samting. Nem bilong tokples grup bilong em i Kalam. Na i gat samting olsem 15,000 Kalam i stap namel long ol Bismak na Schrader maunten klostu long hap bilong Simbai.

Saem i bikpela long ol maunten long hap bilong Upper Kaironk na Aunjang we famili bilong em i save wokim gaden na painim abus long bus. Papa bilong em Malapay i dai long taim Saem i gat 4-pela krismas tasol. Na mama bilong em nem bilong em Kalam i strong na lukautim ol pikinini bilong em. Mama bilong Saem i skulim em long ol samting bilong bus.

Long 1961, Engliken sios i kirapim wanpela skul long Kaironki na Saem i pinisim gret 2 long dispela skul.

Long 1963 taim Saem i stap yet long skul, em i

bungim wanpela antropolojis bilong Aucklan Yunivesiti long Nu Silan nem bilong em Ralf Bulmer. Bulmer i bin go long stadi long pasin bilong ol Kalam na ol stori bilong ol long ol bus na graun na ol diwai samting.

Bulmer i bin kirap nogut long lukim olsem Saem i save moa long pasin bilong ol enimal na ol diwai na samting bilong bus. Na em i wanpela man husat i smat tru long painim ol abus bilong bus. Em nau Saem i stat wok wantaim ol lain saveman bilong Yunivesiti bilong Aucklan long Nu Silan. Na inap 25 yia em i wok gut wantaim ol man husat i go long stadi long tokples o long stadi long pasin bilong ol Kalam.

Long dispela taim Saem i wok wantaim ol saveman bilong Yunivesiti bilong Sidni long Australia, Yunivesiti bilong Papua Niugini na ol arapela yunivesiti. Em i wok wantaim ol long hap bilong Kaironk Veli na long ol arapela hap bilong kantri tu.

Long 1968 em i muv i go stap long Mosbi na inap 10-pela yia em i wok long prihistori laborator bilong Yunivesiti bilong Papua Niugini. Em i save gut tru long pasin bilong wok long laborator na pasin bilong digim graun na painimaut wanem taim tru ol pipel i go bin sindaun long wanpela ples. Olsem na oltaim sapos ol man bilong mekim dispela kain wok i goaut long wok ol i save kisim em i go wantaim ol.

Saem i bin wok wantaim Susan Bulmer long hap bilong Kaironk Veli long painimaut wanem taim tru ol pipel i bin go sindaun long dispela hap. Na ol i painim ol samting i soim

olsem i bin gat ol pipel i stap long dispela hap bipo long 14,00 B.C. Na James Menzies bilong Bioloji Dipatmen long Yunivesiti bilong Papua Niugini i skulim em long pasin bilong stretim ol pisin na enimal we ol i ken stap longpela taim na ol savman i ken stadi long ol.


Long 1970 i kam inap long 1980, Saem i wok klostu wantaim Profesa Ralph Bulmer. Bulmer i bin kamap profesa bilong Sosel Antropoloji long Yunivesiti bilong Papua Niugini long Mosbi long 1968 i go inap 1973. Na em i go bek long Yunivesiti bilong Auckland, Nu Silan long 1974 i go inap 1988. Namel long dispela taim Saem na Dokta Bulmer i bin wok long bungim ol pasin bilong ol Kalam long wok bilong bus na ol enimal na ol diwai samting.

Long taim ol i bin wok nupela, Saem i mekim wok bilong helpim tasol Dokta Bulmer long bungim ol samting na kisim em i go long bus na soim em ol samting. Tasol bihain long Saem i kisim save long dispela wok, em i save go pas long sampela wok bilong ol. Bikos em i saveman bilong ol samting bilong bus na graun na ol diwai samting.

Namba wan buk bilong dispela buk bilong tupela i bin kamap long 1977. Nem bilong buk ya em "Birds of My Kalam Country". Long dispela buk, Saem i stori long ol pisin bilong Schrader Ranges na stori bilong ol pisin long laip bilong ol Kalam. Ol saveman husat i ritim dispela buk i tok amamas long Saem na bikpela save em i gat long pasin bilong ol Kalam na save bilong ol long ol enimal na diwai bilong bus samting.

Narapela buk ol i koim "Animals the Ancestors Hunted" i stori long pasin bilong ol Kalam long painim abus na stori bilong ol enimal. Saem bai klostu i pinisim namba tri buk i stori long save bilong ol Kalam long ol diwai na ol samting ol i save yusim o diwai long wokim.

Wok bilong Saem i bikpela tru long dispela samting. Em i no tingting long raitim tasol ol dispela buk, nogat. Em i singautim yumi ol pipel long soim rispek long ol samting bilong bus na ol rot em ol tumbuna i save bihainim long taim ol i wok wantaim ol samting bilong bus. Em i tok lukaut tu long ol bagarap i ken kamap long taim man i no yusim gut save bilong em na i bagarapim ol samting bilong bus.



• Edwin Tsharke i kisim Honorary Degree of Medicine



• Harlyn Joku-Murray i kisim Bachelor of Journalism digri.


Long olgeta hap long PNG nau na taim bihain tu. Wanem haus moni na benk i ken halpim yu.



YU AMAMAS LONG WESTPAC BENK EM KEN HALPIM YU.



Westpac ken halpim yu



• Ian Saem Majnep

CAMBRIDGE

KING SIZE

GOVERNMENT WARNING - SMOKING IS DANGEROUS TO HEALTH

Ol gret 6 sumatin long Madang i no kisim gutpela mak

OL papamama na ol tisa bilong ol komyniti skul insait long Usino-Bundi ilektoret long Madang nau bai i mas wok hat tru long mekim planti pikinini i go long haiskul long neks yia.

Mista Tuyai tok em i sori tru long wanem liklik namba tru bilong ol gret sikis sumatin long ilektorat bilong em i bin go long haiskul long dispela yia.

Mista Tuyai askim edukesen divisen long Madang long lukluk gut long dispela hevi na traim stretim. Em i tok dispela hevi i no kamap long ilektoret bilong em tasol. Em i

toktok bai ol i mas mekim long olgeta hap bilong Madang Provins Primia bilong Madang, Mista Andrew Ariako i tok bai i mas gat wanpela wok paninimaut long dispela. Em i tok long las yia i bin gat 3,000 sumatin i sindaun long gret siks eksam na 450 tasol i pas.

Primia Ariako i tok i bin gat samting olsem 1,000 spes bilong ol gret seven sumatin bilong dispela yia, tasol taim ol sumatin i no kisim gutpela mak edukesen dipatmen i kisim nating ol sumatin long pulapim ol dispela spes.

Madang bai i mas wok strong nau long wokim ol nupela haiskul. Gavman bilong em wantaim katolik sios bai wokim wanpela haiskul long Bogia distrik.

Mista Ariako i tok em i no laikim wankain samting i kamap gen. Em i mekim strongpela askim tru i go long ol papamana na ol bikman bilong edukesen long wok wantaim na kamapim gutpela mak bilong ol gret siks sumating.

Enga gavman stapim Yambatani Pausa Haiskul

MOA long 220 studen long Yambatani Pausa Praivet Haiskul long Enga provins bai go pinisim skul long ol arapela haiskul. Bikos provinsal gavman i pasim dispela haiskul.

Insait long wanpela spesel miting long Provinsal Eksekutyutiv Kaunsil (PEC) i wanbel long stapim olgeta helpim em Edukesen dipatmen i givim long dispela skul.

Dispela Yambatani praivet skul i bin kamap wanpela haiskul tru long taim Edukesen Dipatmen i luksave long wok bilong em. Gavman i luksave long Yambatani olsem haiskul long wanpela agrimen i kamap long 1987. Provinsal Gavman bilong Enga na Yambatani Pausa Tribe Agency skul i sainim dispela agrimen.

Insait long dispela agrimen, Provinsal gavman i bin askim ol Yambatani long wokim ol klasrum, baim ol samting bilong skul, na tu lukautim skul graun.

Provinsal Gavman bai helpim ol long givim ol tisa long dispela skul. Tasol dispela haiskul i no bin bihainim dispela agrimen na Provinsal Gavman i tingting long stapim olgeta helpim bilong em.

Mausman bilong Opisa bilong primia i tokim *Wantok* olsem dispela skul i no bihainim ol toktok i stap insait long dispela agrimen. Olsem na provinsal gavman i go na pasim dispela skul.

Primia bilong Enga, Ned Laina i tok ol papamama i les long salim ol pikinini i go long skul bikos dispela skul i no gat ol samting bilong tis. Ol i bilip olsem dispela skul bai i no inap tru long helpim edukesen bilong ol pikinini. Ol kros na pait namel long ol wanpisin i bagarapim tu dispela haiskul.

Mista Laina i tok ol dispela pikinini bai i go skul long ol arapela haiskul long pinisim gret 10 bilong ol. Ol papamama i amamas tru long dispela skul i bin pas.

Em i tok em bai tingting long wokim gen nupela hai skul long dispela eria.

Primia i tok gavman bilong em i gat pawa bilong mekim ol dispela wok bikos aninit long pawa bilong Nesenel Edukesen Ekt, PEC i gat pawa long rausim olgeta helpim bilong edukesen long ol skul insait long provins.

Zeipi sutim tok long Waim

OLPELA minista bilong Envairomen na Konservesen, Parry Zeipi i askim minista husat i wokim dispela wok nau Jim Waim long tingting gut pastaim na larim ol kampani i kam wok insait long kantri. Em i tok gayman i mas kisim ol kampani husat i gat ol gutpela envaromental plen tasol no ken kisim ol lain husat i save tingting tasol long mani.

Em i tok planti ol kampani i tingting tasol long wokim mani na bagarapim bus, wara na graun. Ol bai i no inap tingting long ol pipel taim ol i lusim Papua Niugini.

Mista Zeipi i singaut long Minista Jim Waim long tokaut long nupela progrem bilong em. Em i tok i luk oslem Waim i wok long bihainim olpela polisi em (Zeipi) yet i bin wokim long taim em i bin stap minista.

Mista Zeipi i tok planti ol ovasis kampani i

no save baim moa pis baramundi bikos ol i pret long marasin nogut bilong Ok Tedi i bagarapim solwara.

Rekot bilong maket long baramundi i soim tru olsem ol i no wokim bikipela mani long dispela pis bisnis. Westen Distrik Seafood i no save salim baramundi tasol. Ol i save salim kain kain samting bilong solwara.

Mista Zeipi i tok Minista i no ken yusim Westen Distrik Seafood long sapatim wok bilong em. Dispela i soim tru olsem Mista Waim i no mekim wok bilong em olsem minista. Em i wok long grisim ol pipel bilong Westen Provins tasol.

Mista Zeipi i tok Mista Waim i no mekim gut wok bilong em. Olsem na planti ol kampani husat i no gat gutpela plen bilong ol i wok long kam insait long kantri long mekim wok bisnis.

Mama! Traipela palai stret



CALIFONIA, Amerika - Dispela man Sam Matar i kisim dispela traipela palai olsem wanpela betde presen i kam long wanpela brata bilong em. Nem bilong dispela palai em "Puff" i bilong Afrika na hevi bilong em 118 - pouns.

NUPELA

WANTOK

BINGO

Winim K50

NA OL SMATPELA WANTOK T SIOT

LAKI BINGO

1 2 3	7 X 9	13 14 15	19 20 21	25 26 27
4 5 6	10 11 12	16 17 18	22 23 24	28 29 30

No 1

Pilai i olsem - i gat 5-pela bokis. Na insait long wan wan bokis i gat 6-pela namba i stap. Yu mas makim wanpela namba tasol long ol dispela 5-pela bokis. Mipela i helpim yu pinis na makim namba 8 king namba wan bokis. Sapos olgeta ansa bilong yu i stret bai yu winim K50. Ol arapela 5-pela pilala husait i kamap klostu long rait ansa bai kisim fri Wantok T-Slot.

Makim gut ol ansa bilong yu na salim i kam long Wantok Bingo No: 1 P.O. Box 1982, Boroko, NCD.

Resis i pas long Trinde 1st March na bai mipela tokaut long ol ina long Fonde 2nd March. Namba tu resis bai stat tu long dispela taim.

NEM.....

P.O. BOX.....

TAUN.....

W.N.B.P.G. SO KOMITI

Pulapim fom na salim i kam long

SIAMAN
W.N.B SO KOMITI
C/ P.O. BOX 237
KIMBE, WNBP.

MI LAIK BAIM _____TIKET LONG
 K20 LONG WANPELA WANPELA.
 MI PUTIM PINIS WESTPAC O
 PNGBC BENK SEK NAMBA _____
 LONG K _____
 ADRES BILONG MI EM.
 MISTA/MIS/MISIS: _____

DE: / / 1989

ART UNION NAMBA 1

- * Nau em i taim. Yu inap winim sampela long ol dispela 35 prais ol W.N.B.P.G. komiti i laik tilim long Art Union Namba 1 resis. Mak bilong ol prais em K110,000.00.
- * Yu tu ken win. Baim 5-pela ticket long K100.
- * Hariap. Ol man i wok long pinism ol tiket. Baim nau.

NAMBA TU PRAIS



Pul pawa ben, Lit gita, rhithim gita, bes gita, dram simbol, na tupela amfaia. Pe bilong ol samting em K11,000.

NAMBA FOA PRAIS



Wanpela 15 sita Ford bas. Pe bilong en K18,000

NAMBA TRI PRIAS

Tupela tiket long kisim balus i go long Kens wantaim K500 long baim kaikai samting. Pe bilong ol dispela samting em K3,000

NAMBA FAIV PRAIS



Nashua potokopi - Pe bilong en K4,345

NAMBA WAN PRAIS



wanpela 4 bet rum haus. Haus ya i gat pawa, sia, tabel, bet masin bilong wasim klos, frisa, video, stereo, ples bilong putim ka, sekuriti banis. Haus i kam wantaim pepa graun. Pe bilong haus wantaim graun K50,000.

Baim nau na kamap wina

WANTAIM 30 NARAPELA PRAIS

6	Yamaha 15HP Outboard Motor	K1,400
7	Electric Sewing Machine	K 275
8	Manual Sewing Machine	K 120
9	Hand Sewing Machine	K 85
10	Yamaha 25 HP Outboard Motor	K2,500
11	Fibro Glass Dinghy	K3,000
12	Acoustic Guitar	K 97
13	Tool Kit	K 300
14	Chainsaw 36"	K 900
15	Video Set	K1,500
16	Envinrude 25 HP Outbord Motor	K2,500
17	Set of three (3) Foam Mattresses	K 80
18	Set of Gardening Tools	K 45
19	Butterfly Pressure Lamp	K 45
20	Electronic Organ Keyboard	K 400
21	Typewriter Portable	K 220
22	Shopping Voucher	K 200
23	Camera	K 400
24	Electric Jug	K 100
25	Bolts of Clothing Materials	K 72
26	Library Books	K 100
27	Lawn Mower	K 800
28	Building Equipment	K 500
29	24 Sheets of Iron Roof	K 500
30	Yamaha Trail Bike	K2,500
31	Water Pump Portable	K2,000
32	Generator Portable	K2,000
33	Stereo Set	K 900
34	1 X Dining Table and 4 x Chairs	K 360
35	Fridge Electric	K 400

PRAIS BILONG OL TIKET K20

TICKET SELLING POINTS

Michael Kamu, Box 753, ARAWA, NSP. Ph. 95 1897	Sam Gagee, C/- Kimbe Tyre Service, KIMBE	The Coordinator District Services KANDRIAN
Michael Posai, Posai Prints, Box 4147, LAE, MP Ph. 42 3182	Michael Kaugla, Niugini Motors P/L KIMBE	The Coordinator District Services BALI ISLAND
Steven Gutsi, C/- PNGBC, Box 71, WEWAK Michael Uvillo, C/- Andrew Posai, NBC,P.O. Box BOROKO Ph. 24 9271	Paul Breria Lands Dept KIMBE	The Coordinator District Services P.O. Box 121 BIALLA
Augustine Manadari, Dept. of Lands, Box 535, RABAU Ph. 92 1162	Dr. Tonar Private Clinic KIMBE	Pius Banga C/Mendl Hospital Box 67 MENDI, SHP Ph. 59 1166 Ex 23
Daniel Senge, Madang Tech. College. Division of Education, Box 2070, MADANG Ph. 82 2846	Michael Giral, Kavul Block, KIMBE	Steven Kepo, CIS Laklamata, KIMBE
Ben Halli Health Dept, Box 392, GOROKA, E.H.P. Ph. 72 1254	Mathew Papaea, Niugini Motors P/L KIMBE	Collin Lanzarote, Kimbe Tyre Service, KIMBE
Elsie Matalo Office of Information, Box 103, KAVIENG Joe Reme, Education Office, Private Mail Bag, ALOTAU	Alphonse Kurabi Pacific Industries P/L KIMBE.	Ben Hate SBLC, Buluma KIMBE
	Grace Koia, Westpac Bank, KIMBE	Dr. Henry Tand, Mosa Clinic KIMBE
	Pius Waal, C/- PNGBC KIMBE	Greg Mongi, C/- Foreign Aid, KIMBE
	Manty Bade Kimbe News Agency KIMBE	Luru Gerry, Walala Trading P/L P.O. KIMBE Martin Anugu, P.S.A Office, KIMBE
	The Coordinator, District Services GASMATA	

MADANG Rurel Prodaks em i wanpela kampani bilong wokim na lukautim na salim kakaruk. Madang Provinsal Gavman wantaim Katolik na Lutren Sios i bin statim dispela kampani long 1987.

Astingting bilong kampani em long helpim ol man husat i laik kirapim bisnis bilong kakaruk.

Madang Rurel Prodaks nau i helpim gut

tru ol ples i stap klostu long Madang taun. Ol ples olsem Yabob, Bilbil, Yagaum, Rivo na Siar.

Long taim man i laik wokim haus kakaruk, kampani bai helpim em long sodas, waia, kaikai bilong kakaruk na putim oda bilong samting olsem 1,000 o moa ol nupela kakaruk long Niugini Table Birds long Lae.

Fama bai lukautim ol inap long hamas wik em Madang Rurel Prodaks i makim.

Sapos kampani i laikim sais 8 kakaruk, orait bai ol kakaruk i mas stap long banis inap long 6 wik. Na sapos ol (kampani) i laikim sais 9, 10 o 11 em ol kakaruk bai i mas stap long banis inap long 9-pela wik olgeta.

Madang Rurel Prodaks i save kisim samting olsem 2,000 kakaruk i kam long ol fama long wanpela de. Na kampani i save baim ol fama long hamas kakaruk ol i salim. Ol wokman bilong kampani i kilim kakaruk na putim ol long plastik. Ol bikpela bisnis olsem Burns Philp, Steamship na ol nara-pela liklik bisnis i save salim ol dispela kakaruk long stua bilong ol.

Dispela kampani i no gat planti ka bilong yusim long wok. Olsem na kampani i save yusim ka bilong ol man long Madang na bihain em i baim ol.

DIA LAIPLAIN

Mitupela meri bilong mi i marit inap 10-pela yia. Na mitupela i save stap amamas wantaim 6-pela pikinini bilong mipela.


Mi gat bikpela wari nau bikos wanpela singelman i laikim tru meri bilong mi. Na em i askim meri bilong mi long lusim mi na maritim em.

Long taim mi askim meri bilong mi long dispela samting meri i tokim mi olsem em i tok nogat long man ya. Em i tok tu olsem em i pret long mi kros olsem na em i no tokim mi. Mi tokim meri bilong mi olsem em i ken go stap wantaim dispela man sapos em i laik. Tasol meri i strong na tok em i laikim mi tru na i laik stap wantaim mi.

Nau mi pilim olsem mi no inap moa bilip long ol toktok bilong meri bilong mi. Bai mi kotim em o olsem wanem?

Suspicious

Mi laik kotim meri bilong mi



LAIP LAIN

meri bilong yu i slip wantaim singelman ya orait yu mas gat witnes o rot long soim kot olsem i tru meri i bin mekim dispela samting. Tasol i luk olsem nau yu i no gat witnes na gutpela as bilong tok long kotim meri bilong yu.

Mipela i sori long lukim tupela marit husat i bin stap gut inap 10-pela yia na nau dispela kain hevi i kamap.

Mipela hop dispela man bai i no inap traime moa long brukim marit bilong yu na meri bilong yu. Mipela hop tu bai yu inap long pogivim meri bilong yu na strongim gen laik bilong yutupela.

Sapos yu wanpela Kristen, orait pre long God na askim em long stiaim gut tingting bilong yu. Mekim olsem bai yu inap long luksave long ol asua na stretim nau olsem bai yu inap painim gutpela sindaun gen wantaim famili bilong yu.

Mi laiplain.

DIA PREN,

I luk olsem bikpela hevi bilong yu nau em yu no inap long bilip moa long meri bilong yu.

Yu tok olsem yu bin stap amamas wantaim meri na 6-pela pikinini bilong yu. Na yu tok wanpela singelman i askim meri bilong yu long lusim yu na maritim em. Tasol yu tok meri bilong yu i no laik bikos em i laik stap wantaim yu.

Watpo na yu no bilip long toktok bilong em? Meri bilong yu i

mekim wanem na yu no bilip moa long toktok bilong em. Em i tru olsem man ya i rong long traime pulim meri bilong yu. Tasol meri bilong yu i bin mekim wanem? Yu no tokaut long mipela.


Yu askim tu sapos em i gutpela long yu kotim meri bilong yu na rausim em. Mipela i skelim liklik toktok yu givim na mi ken tokim yu olsem nogat, yu no ken mekim olsem. Bikos yu mas soim long kot olsem em i tru meri ya i bin mekim rong. Sapos





"SUCCESSFULL BUSINESSMEN RELY ON Lister GENERATORS!!"

ASK ABOUT THE NEW NOVA KEY START SYSTEM!

- PNG's BEST
- SPARE PARTS BACKUP AT ALL OUTLETS.
- SERVICE INSTALLATION & MAINTENANCE.



Only the Best for Our Clients



Brian Bell Stores

- BOROKO — 25 5411
- LAE — 42 3377
- GOROKA — 72 1098
- MT. HAGEN — 52 1999
- RABAU — 92 1966

BAIBEL KOMIK

Ol wok bilong ol APOSEL

Ol bisnisan i komplek na ol i kibung a paitim toktok.



Poli tok Diana i no god.. na ol pipel i westim taim long lotu long em.

Poli mas kliia o bai bisnis bilong yumi bai pundaun!



Ol i belhat na go painim Pol.

Westap Pol? Tokim mipela.

Nogat tru!

Moa pipel i bung na ol i raun long strit na bikmaus nabaut.



Daiana i bikpela, em i god bilong Efesas.

Na long narapela hap bilong siti....

Poll! Ol bisnis i painim yu. Ol i tok yu bagarapim bisnis bilong ol. Ol i kisim Gaius na Aristakus pinis na...

Ol i stap we?

Pol, no ken go. Bai ol i kilim yu ya!



Bisop Michael Marai bungim ol Sepik bilong Mosbi

NUPELA bisop bilong Katolik sios long Goroka, Michael Marai i autim wanpela tingting pinis long senisim tok ples ol i save yusim long ol pepa ol lain husat i laik kamap misinari bilong sios i save sainim.

Em i mekim dispela toktok taim em i sainim tokorait pepa long opis bilong man husat

i makim Pop long Mosbi long Fraide 10 Febueri.

Olgeta toktok long dispela tok orait pepa i stap long Tok Latin na bisop Marai i paul liklik. Tasol bisop Marai i bin lainim Tok Latin taim em i stap long skul olsem na em i no painim bikpela hevi tumas.

Em i tok "Tasol long bihaintaim mi laik

lukim olsem ol toktok long ol dispela pepa i mas stap long tok ples em ol pipel husat i sainim i ken ritim na save."

Long Sande apinun 12 Febueri Bisop Marai i bin lotu wantaim ol Katolik lain bilong Sepik long St Joseph sios long Mosbi.

Bisop Marai i givim bikpela tok tenk yu

long ol pipel bilong Sepik na tok olsem sapos ol i no stap em i no inap kamap long plesem i stap nau.

Em i tok sapos ol pipel i no stap, no gat sios bai kamap, olsem na em i tokim ol pipel bilong Is Sepik long strong yet long olgeta wok bilong sios ol i mekim nau. Em i tok em i sori tu long lusim Mamose rijon.



• Ol Sepik pipel bilong Mosbi i bungim pater Michael Marai husat bai kamap bisop bilong Goroka.

TU MINIT TINGTING

FRANK MIHALIC i raitim

MI BILIP LONG YU

Insait long laip bilong mi, mi bin holim kain kain wok aninit long kain kain hetman. Planti yia bipo, wanpela bikpela hetman i bin kisim mi insait long bus bilong PNG na i bin salim mi i go ovasis na i bin givim mi wanpela bikpela wok. Mi yangpela yet na mi no save olgeta bai mi stat we long mekim dispela wok. Tasol em i tokim mi olsem: "Yu bihainim tingting bilong yu yet, na yu go mekim ol samting yu ting em i stret. Maski long askim mi planti samting. Sapos mi ting yu mekim kranksi, orait, bai mi tokim yu. Tasol yu no ken askim mi...yu go het tasol na mekim."

Man! Dispela kain tok i strongim mi tru. Bikman ya i bilip long mi. Long laik bilong mi yet, mi laik taitim bun tru na yusim olgeta strong na save bilong mi, bilong inapim dispela bilip bilong em. Em i isi tru long wok aninit long kain man olsem. Sapos mi mekim sampela asua, maski, em i bilip long mi....Mi inap givim laip bilong mi bilong bihainim na inapim laik bilong kain man olsem.

Na long taim mi holim dispela wok, poroman bilong mi em i wanpela lapun pris. Em i gat inap yia long stap papa bilong mi. Sampela taim mi laik mekim wanpela samting, na em i gat narapela tingting. Olsem na em i save tokim mi olsem, "Mi no wanbel long aidia bilong yu. Tasol maski, yu go mekim tasol." Kain man ya i bilip long mi, i trastim mi. Mi no inap sakim laik bilong kain man olsem.

Tasol long laip bilong mi, mi bin stap tu aninit long sampela hetman i tambuim mi tru long mekim kain kain samting. Em yet i mas mekim olgeta samting. Maski sapos eksperiens na save bilong mi i winim save bilong em, em i no larim mi ranim wanpela samting o bosim wanpela wok. Nogat. Em wanpela i bosman; mi mas stap manki nating bilong em.

Olsem na kwiktai mi lusim interes long wok bilong mi. Na i no gat sampela nupela aidia na tingting i kamap. Nogat. Bai em i sakim ol tasol. Mi inap mekim planti gutpela samting - tasol em i no laik. Olsem na em i daunim spirit bilong mi. I olsem wan-

pela man i kapsaitim wara antap long wanpela paia na i kilim i dai.

Dispela tripela eksampel i soim wanpela samting i save kam insait long laip bilong yumi olgeta. I bin kam insait tu long laip bilong Jisas long Gutnius. Long sampela ples Jisas i tokim ol manmeri ol i mas bilipim tok bilong em. Long wanpela ples em i tok, "Sapos yupela i no bilipim tok bilong mi, bilipim ol wok bilong mi." Orait, dispela kain bilip em i wanpela samting. Tasol planti taim tu Jisas i tok, "Yupela i mas bilip long mi." (Jon 14:1) Bilipim mi na bilip long mi, em i narakain samting.

Sapos mi bilip long yu, olsem stori antap i bin soim, mi ting yu gutpela man, mi trastim yu, mi pilim bai yu mekim gutpela wok tasol. Na yu belgut tru long dispela, na yu amamas tru long brukim olgeta bun bilong yu long helpim.

Sore, mi no inap singaut bai man i mas bilip long yumi. Nogat. Em i samting i mas kam long em tasol. Pasin tasol bilong yumi em inap mekim man i bilip long yumi.

Yumi save lusim bilip long man i mekim rong na i raskol na i save mekim pasin nogut na bagarapim ol arapela manmeri. Na bihain ol kot i bin kalabusim ol, ol i pilim olsem, i no gat wanpela man i bilip moa long ol. Olsem na ol i no laik stretim laip bilong ol. I olsem mi yet long taim mi wok olsem manki nating aninit long hetman i no bilip long mi. Mi no kea liklik; bikos em i no kea. Mi no inap go het olsem. Mi ken go daun tasol. Em wanpela i ken go het...

Ol raskol na ol kalabus na ol lepra na ol man long wilsia na ol sumatin long skul na ol pikinini long famili - ol i wet long yumi mas soim ol yumi bilip long ol, yumi trastim ol. Olsem Jisas yet i tok, "Tru tumas mi tokim yupela, man i bilip long mi, em bai mekim olkain wok mi save mekim. Na bambai em i mekim wok i winim yet wok bilong mi." (Jon 14:12)

Dispela tok i tru long laip bilong Jisas, na i tru long laip bilong yumi, na i tru long laip bilong ol manmeri i hangamap long yumi.

BIPO, bipo tru long taim bilong ol tumbuna, long ples Tofungu i gat wanpela lapun mama na pikinini man na meri bilong em i save stap. Ol tupela marit ya i gat wanpela liklik pikinini man.

Long taim man ya wantaim meri bilong em i go painim abus long bus, oi i save lusim liklik bebi wantaim tumbuna bilong em. Haus bilong oi i gat tupela rum. Wanpela rum em i bilong man ya na meri na pikinini bilong em. Narapela rum i bilong lapun mama bilong em.

Man ya i katim hul long pangal i stap namel long rum bilong ol na rum bilong mama bilong em. Na oltaim ol i kuk, meri bilong em i save putim sampela kaikai long dispela long lapun meri ya i kisim na kaikai. Tasol sori tru, lapun meri ya i no save kisim ol dispela kaikai.

Kaikai i save lus long dispela hul. Na ol i ting lapun meri ya i save kisim. Na lapun meri i ting olsem ol tupela ya i no save tingting long em na ol yet i save kaikai.

Orait wanpela taim man ya i go long bus na kilim wanpela draipela pik tru. Em i katim na karim i go bek long ples. Lapun meri lukim olsem na em i amamas tru bikos em i no kaikai mit bilong pik longpela taim tru.

Ol i kukim pinis na meri bilong man ya i skelim sampela hap abus na kaikai bilong lapun meri na em i putim long hul ya. Meri i ting olsem lapun i kisim pinis. Na ol sinduan kaikai i stap.

Tarangu lapun meri i wok long wet i go i go no gat nau na em i kirap singaut i go, 'Olsem wanem na yutupeia i no givim mi hap abus ya? Oltaim yupela i save wokim dispela kain pasin long mi.'

Ol i harim na meri ya i askim, "Nau tasol mi putim hap bilong yu ya. Yu no kisim vet o?"

Lapun i go sekap na em i lukim kaikai i no stap. Orait pikinini bilong em i kisim tingting nau na em i tok, "Yu wet. Bai mi putim sampela kaikai i go insait. Sapos i kisim orait singaut na bai mi harim." Em i tok olsem na em i putim hap mit i go insait long hul. Na wantu wanpela han i sut i go na pulim mit.

Em i no harim lapun mama bilong em i singaut olsem na em i singaut i go long mama bilong em, "Yu kisim pinis ah?" Lapun i bekim na tok em i no kisim.

Em nau ol i luksave olsem i gat man i hait i stap insait long hul ya na i save stilim kaikai bilong lapun meri.

Orait man ya i tokim mama bilong em olsem long taim em i putim mit i go insait gen long hul bai em i katim han bilong husat man tru i traime long kisim mit.

Em nau em i putim hap mit bilong pik i go insait long hul na wantu wanpela han i sut i go ausait long kisim. Tasol man ya i redi wantaim sap mambu naip bilong em i stap. Em i kirap katim han bilong man ya na man i kam daun ranawe i go.

Long taim em i kamap ples klia, ol i lukim olsem em i wanpela muruk ya. Em i ran i go daun long liklik wara na i go olgeta.


Tulait nau man ya i tokim meri na mama bilong em olsem bai em i kisim tupela dok na bihainim dispela muruk i go. Nem bilong man dok bilong em i Noku na meri dok em Muni.

Ol i laik go nau na em i tokim mama na meri bilong em, "Sapos mi go na ol man i kilim mi, bai tupela dok i kam bek toksave long yupela. Tasol sapos ol meri i paulim mi tu, bai ol dok i kam bek toksave yet."

Em i toksave pinis na em i lusim ol na bihainim bus i go. Em i wokabaut i go i go inap em i kamap long wanpela wara nem bilong em Yolluwom. Lusim dispela wara em i go kamap long Sawyelef na i go olgeta inap em i kamap long bikpela wara Weni. Em i go daun arere tru na em i lukim muruk ya i slip i stap arere long wara.

Em i go karim muruk i kam putim gut

Man i maritim ol meri blakbokis



na em i katim pinis na wokim paia. Orait em i kukim ston long mumuim muruk. Em i kisim ol kumu bilong bus na mumuim wantaim muruk ya.

Na em i stat long banisim wara. Em i digim wesan i kam antap na banisim wara. Em i singautim tupela dok bilong em i kam na tu em i putim ol antap long diwai na tokim ol, "Long taim ol

tok pinis na ol i painim pis i go yet.

Long taim ol i go longwe liklik nau, man ya i sanap na liklik susa i lukim tewel bilong em long wara. Long taim em i tokim bikpela susa bilong em, man ya i hait gen. Na tupela meri i painim no gat na ol i painim pis i go. Orait man ya i kirap gen na soim pes bilong em. Na long taim liklik susa i tokim bikpela

• "Ol meri lukim spet bilong buai na bikpela susa i tokim liklik susa olsem em pekpek bilong ol pisin."

man i kam, yutupeia i no mas pait. Yupela i stap isi tasol. Sapos ol i laik kilim mi, orait bai mi toksave na yutupeia i raunim na kilim ol."

Em i toksave pinis long tupela dok bilong em na ol i slip isi tasol na wetim mumu. Na man ya i kamautim buai na daka bilong em na em i wok long kaikai na spetim nabaut. Em i spetim nabaut ol ston i stap arere long wara.

Na long dispela taim tu sampela yangpela meri i wok long painim pis i kam long wara. Ol i kam kamap long ples we tupela wara i bung. Orait tupela susa i tok bai ol i bihainim liklik han wara. Na ol arapela meri i bihainim bikpela wara i go. Na tupela susa ya i bihainim liklik han wara i go antap.

Tupela i no isi long kisim ol pis. Ol i mekim save tru long kisim pis i go na ol i no lukluk nabaut. Ol i go kamap klostu long ples we man ya i wokim mumu nau na ol i malolo. Tupela i sanap kisim win na ol i lukim spet bilong buai i pas nabaut long ol ston.

Liklik susa i lukim na em i tokim bikpela bilong em. Bikpela susa i kirap na em i tok, "Em i pekpek bilong pisin ya." Tasol liklik susa i strong na tok, "Yu smelim pastaim. Em i no smel bilong pekpek, em naispela smel tru ya."

Man ya wantaim tupela dok bilong em i lukim ol pinis. Na tupela dok i laik kalap i kam daun na pait tasol man ya i pasim ol na tupela i slip isi tasol na wok long lukluk i stap. Ol meri ya i tok-

bilong ol.

Orait em i tokim tupela olsem bai ol i bainisim wara na bihainim bai ol kaikai muruk em i mumuim i stap. Ol tupela meri ya i les bikos ol i no save kaikai muruk. Man ya yet i banisim wara pinis na em i kam antap na rausim mumu.

Em i givim hap mit bilong muruk na ol kumu long tupela meri. Tasol ol i tok olsem ol i no save kaikai dispela kaikai. Tasol man ya i strong i go na tupela i traime. Man ol i pilim swit na ol i pinisim olgeta.

Orait em i askim tupela sapos ples bilong ol i stap klostu o nogat. Na ol i kirap bekim na askim em gen long ples bilong em. Tupela meri ya i strong na tok ol i mas go long ples bilong tupela.

Em i pasim skelim bilong mama bilong em na putim long baksait bilong dok ya Noku. Na em i tokim Noku, "Yu karim mit bilong mama i go bek long ples. Na long taim yu kamap yu mas go stret long purpur na singaut. Yu mekim olsem bai mama i save olsem ol meri i paulim mi i go."

Orait em i pasim skelim bilong meri bilong em long baksait bilong dok Muni na tokim em, "Em mit bilong meri bilong mi. Long taim yu go kamap long ples, yu mas go singaut long mambu bilong kukim hatwara bilong saksak. Em bai save olsem mi go pinis wantaim ol meri."

Tupela dok i harim toktok bilong papa bilong ol na ol i go bek long ples. Ol i go kamap na ol i mekim olsem em i bin tokim ol. Na mama na meri bilong em i lukim ol i tok, "Man ya ol meri i mas kisim em i go ya na tupeia dok i kam toksave long yumi."

Na man ya i bihainim tupela meri i go bek long ples bilong ol blakbokis. Long taim ol i kamap long ples, tupela i haitim em long wanpela rum i stap long ol i kukim kaikai. Kaikai i tan pinis nau na tupela i tokim papamama na brata bilong ol, "Go insait long rum ya na kisim fok bilong mitupeia bilong holim kaikai. Na sapos yu lukim wanpela samting, yu no ken mekim nabaut. Em tambu bilong yu tasol. Kisim em i kam na yumi kaikai."

Em nau ol i kisim man ya i kam insait sinduan wantaim ol na ol i kaikai. Ol blakbokis ya i brukim ol talinga na givim em long kaikai. Man ya i lukim olsem na em i tokim ol, "Mipela i no save kaikai dispela kain talinga."

Ol blakbokis i tok em i abus bilong ol ya. Orait man ya i kirap kamautim ol mit bilong muruk na givim ol long kaikai. Tasol ol i no laik. Em i strong yet i go na ol i kaikaim na pilim swit moa na ol i pinisim olgeta.

Em nau man ya i stap olgeta wantaim ol. Em i maritim dispela tupela blakbokis na ol i stap wantaim. Ol i stap i go na taim bilong ol kapiak i mau nau na ol blakbokis i redi long flai i go painim kapiak. Na ol lain bilong man ya i flai i go stret long Fairu na go sindaun stret long kapiak bilong lapun mama na ol i wok long kaikai i stap.

Lapun meri i harim ol blakbokis i kam meknais long kapiak na em i kam ausait na krosim ol. Em i tok, "Yupela larim kapiak i stap. Em bilong pikinini bilong mi ya. Sampela meri i pulim em i go long ples bilong ol na mi was long kapiak bilong em."

Ol bilakbokis i harim na ol lusim na flai i go bek long ples. Long moning ol i wok long stori na ol i toktok long dispela lapun meri i krosim ol long kapiak bilong pikinini bilong em.

Wanem
samting bai
kamap nau

RITIM MOA
LONG NEKS
WIK

Ol i spet na bilong tupela meri i no ret gut olsem spet bilong em. Man ya i tokim tupela, "Yutupeia i no kaikai buai na daka tru. Yutupeia i kaikai ol samting bilong bus ya. Olsem na buai bilong yupela i no ret gut."

Em nau em i givim ol buai na daka tru na ol i kaikai. Ol pilim swit na buai tu i ret gut.

Man ya i lukim tu olsem ol tit bilong tupela longpela tumas na em i tokim ol olsem bai em i stretim. Na em pailim tit bilong tupela i go sotpela pinis na em givim ol bua long wasim maus

WANTOK

OKSAVE BOKIS 252500

BELATED BIRTHDAY

Belated Birthday greetings to



BELINDA SAMSON (BROVEX SCORPIO)

who turned 19 on 30.01.89.

Birthday wishes from mum, dad, bros. and sis of PUA PUA PLACE EAST BOROKO. Greetings from aunties, uncles and cousins of POM, LAE, BARIKE PLES RABAU & KANGE PLES MT HAGEN. Love and best wishes from BIG BRO "MAX" and KILA, PALA, JOHN, WILLIE and (JAYKAY-JK) all of POM CITY. Stap isi na wok gut.



DAVID D PUNZARAWA 15/02/64

HAPPY BELATED BIRTHDAY DARLING. 25 YEARS FROM 64 KIUNGA & YOU STILL DRINKIN BEER.

*EM TASOL YA KATIM LEWA. MS ROD DAVE

Best wishes also from Word's Advertising Dept... Mobs... "Night shadow for 25 years."

BIRTHDAY

B E T E D E GRITINS

Happy 21 year old

A p e w a Kerena

B.DAY greetings from Apewa Sege, Fanomea Bonoto, Deto Bugo, Kimil Peter, all sisters, Morobe Kerena, Wane Kerena, Meti Kerena, Apele Kerena, John Kerena Devin kerena and Mrs Jenny Apewa Kerena.

Ol Kerena famili ol i stap nau long Evigo insait long Lufa District, Goroka. Dispela B.day greeting i kam long Apewa Kerena long Pot Moshi

BIRTHDAY GREETINGS

BELATED BIRTHDAY



14-2-89

TROY WEDSON BATEK

Happy Birthday you are one year old now. Love & Kisses from Mum Estner, Daav Jimmy, Big Sister Snane, Tata Jeff and Uncles and Aunties and the mobs of Boco Boram compound and lastly from Tata Wak of Unitech Lae.

BIRTHDAY GREETINGS

JNR TARCISIUS GASIN MATTHEW

who will turn 3 years old on 17.02.89.

Best wishes coming your way from your dad Stephen Matthew in the nation's capital.

Special greetings to you from Mum Louisa, Delphine, Big bro. Lesley Gerad, Aunties, Uncles and Pupus' of Kahule Peles, Buka Island, NSP.

Greetings also from Uncle George in Wau, MP and aunties, uncles and Pupus' of Eretei Peles, Lumi, Sandaun province.

FOR SALE

ONE COMPLETE

SD 22 DIESEL ENGINE

FOR

K800.00 ONLY

INTERESTED PERSONS CONTACT

GILBERT PAPATO

ON

252500 EXT: 218

PEN PREN

PLIS MI LAIK MEKI M PEN PREN LONG NIUGINI AILANS, MANUS, KAVIENG, RABAU, HOSKINS O BUKA. YU HUSAT I LAIK MEKIM PEN PREN WANTAIM MI, YU KEN WRITIM PAS I KAM LONG DISPELA ADRESS HIA BAI MI HAMAMAS TASOL LONG KISIM NA BEKIM GEN. MR. BEN KALI C/- THOMAS & FAMILY P. O. BOX 86 KIMBE, W.N.B.P.

BIRTHDAY

LIEN POTO



Turning 1 on 19.2.89. Happy B'day greetings from Bubu, Peter, John

of Korobosea and from Manus, Tingor village uncle Max and Bernard. Aunty Judy, Mary and Theresa all in Manus. Lastly and not the least from Dad and Mum Christine Poto, of Pom.

new nation


• Pull out a colourful poster of the Namaliu Minister; Also of pop star, Michael Jackson. • Meet PNG's only professional soccer star, Manis Lamond. AND

• Find out if Desmond Waku and Moni Kalong are soon to follow suit on the international soccer scene.

• There are also your regular features: AS WELL are many more sports stories. AND • 1988 Reviews of events on both the National and international scenes.

ALL IN THE FEBRUARY ISSUE OF NEW NATION

Mipela Salim Nau!!



Pot Mosbi Prais - 90t Ol Provinsis - K1.00

PABLIK NOTIS

**PUBLIC OFFICERS
SUPERANNUATION ACT
(Sapta Namba 66)**

**Ol opisa meri i marit pinis- Toksave
i go long ol sapos ol i laik putim
mani insait long supaenuasen fan.**

Long dispela taim gavman i wokim sampela senis insait long lo i bosim Pablik Opisa Supaenuesen Fan (Septa Namba 66) olsem ol marit meri i opisa pinis inap go insait na kamap memba long dispela POSF fan stat long 1 Janueri, 1989. Em sapos ol i bihainim ol dispela lo:

1 (a) Yu mas marit bipo long 1 Janueri, 1989 na yu mas salim pas i go long Manesa Dairekta bilong fan bipo long 31, Desemba, 1989. Dispela pas i mas tok save olsem yu laik stat long putim mani i go isnait long fan.

(b) Ol meri i marit bihain long 1 Janueri, 1989 o ol i kamap opisa bihain long 1 Janueri, 1989 i gat 12-pela mun bihain long de ol i marit o kamap opisa long salim pas i go long Manesa Dairekta long tok save long tingting bilong ol long utim mani i go insait long fan.

2 Sapos insait long dispela 12-pela mun, marit meri i opisa i no salim pas i go long manesa Dairekta long putim mani insait long fan orait - mipela makim em olsem wanpela marit opisa meri i no laik go insait long fan.

3 Ol marit meri opisa aninit long 1 (a) bai kamap memba bilong fan taim pas bilong ol i kamap long Manesa Dairekta. Na tu olgeta mani em i ken kisim aninit long dispela fan bai i stat long dispela de. Na tu ol singel meri opisa, husat i memba, i mas salim toksave i kam long Dairekta sapos em marit bihain long Janueri 1, 1989 sapos em i laik stap memba yet.

Sapos yu laik save moa long dispela samting ringim :-

Corporate Secretary of the Public Officers Superannuation Board, Mr. Joseph W. Maingu long telepon 21 2322, Ext. 23

**o salim pas i kam long
Public Officers Superannuation
Board
P.O. Box 7039, Boroko, NCD,**

**David S. Nelson
Managing Director**



Tok save i go long olgeta manmeri i memba long pablik opisa supa anuasen fan na ol opisa meri bilong ol stet sevis

tok save em hia: senisim lo bilong pablik opisa supa anuasen ekt.

- 1) Bot i laik tok save olsem, Long taim Pala men i bung long Desemba 1988 ol i senisim lo bai lo i tok olsem:
 - A. P.E.A. bai i gat memba long Bot olsem pesman bilong ol pipel i saveputim mani. Nau ol pipel i save putim mani i gat 2 pela memba namel long ol 4 pela bot memba.
 - B. Ol marit meri opisa i ken kamap memba o tok maski. Laik bilong ol. Ol marit meri opisa i gat inap long 30/12/89 long kamap memba. Na ol singel meri opisa husat i marit bihain long 1-1-89 i gat 12 pela mun bihain long de ol i marit pinis long kamap memba. Ol marit meri i kamap opisa bihain long 1-1-89 i gat 12 pela mun tu long kamap memba.
 - C. Ol memba bai kisim interes mani long olgeta yia. Bot bai i makim hamas interes bai ol i kisim. Interes bai stat long 1-1-89 na i karamapim akaunt bilong ol memba inap long 31-12-88.
 - D. Ol memba inap kisim dinau mani long wokim haus o long baim graun bilong wokim haus o sanapim haus. Tasol yu mas memba inap long 2 pela yia olgeta bipo yu ken aplai long lon. Mak bilong dinau mani wan wan memba i ken kisim ol Bot bai tok aut long en taim ol i tok aut long wanem pesen long olgeta mani bilong memba ol i inap kisim dinau mani long en.
- 2) Ol marit meri opisa i laik kamap memba i mas go lukim Personnel Section bilong ol na kisim pas i tok olsem ol i permanen opisa. Ol i mas salim dispela pas wantaim ol pepa bilong marit. Sapos yu marit long kastam yu mas kisim dispela pepa ol i kolim Statutory Declaration na man bilong yu mas putim nem long en. Ol bai stat long katim mani long pe bilong yu taim manesa i kisim ol dis pela tok save. Manesa bai tokim man i bosim fotnait pe long katim mani bilong yu.
- 3) Inap Bot i pinisim olgeta pepa wok bilong ol yu no ken wokim fom bilong kisim dinau mani bilong wokim haus o baim graun bilong wokim haus. Pastaim Bot i mas stretim ol akaunt bilong olgeta memba wantaim interes bilong ol. Na painim sam pela nupela stav na trenim ol na stretim ol akaunt bilong Bot wantaim Data Bases. Olsem mipela ken givim gutpela sevis long ol memba. Mipela i ting bai mipela redi long kirapimwok long mun Jun, 1989. Mipela bai salim tok save insait long ol nius pepa long de tru ol memba i ken salim ol pepa bilong kisim lon.
- 4) Olgeta askim o toktok bilong dispela notis i mas go long;

Managing Director,
Public Officers Superannuation Board,
P.O. Box 7039, Boroko, N.C.D.

Telephone: 21-2322

PABLIK NOTIS

SIMBU PROVINCIAL GOVERNMENT



TOK SAVE

LONG DISPELA NUPELA HAILANS BIA FAKTORI

Toksave ya i go long olgeta pipel long tokaut long dispela 'PAS BILONG KIRAPIM NUPELA BIA FAKTORI' long Kerowagi. Pe bilong kirapim dispela nupela faktori em K17 millien. Na pas ya Primia bilong Simbu, David Mai i sainim long nem bilong 5 pela Hailans Provinsel Gavman.

Bia kampani i laik kirapim wok em **DANBREW CONSULT LIMITED** bilong **DENMAK**. Tupela tokman bilong **DANBREW** na wanpela tokman bilong **INDASTRIALISAEN FUN OV DEVELOPMEN (IFU)** ol i stap long dispela taim. IFU em i wanpela kampani bilong **DENMAK** husat bai i help long kirapim dispela wok.

Dispela **PAS** primia i sainim em i wanpela wok i go pas bipo ol i wokim kontrak tru long kirapim dispela bai faktori long Kerowagi.

I luk olsem wok long faktori bai kirap long mun Oktoba na ol i stat long salim bia long 12-pela mun bihain.

Mipela provinsel gavman bilong Simbu, ol pesman bilong ol pipel, i hepi tru dispela bia faktori i laik kirap. Ol provinsel gavman bai it gat sea long dispela wok olsem Nesenel gavman i gat sea long B.C.L. na OK Tedi. Tok amamas tu i mas go long favman bilong Primia Peter Gull husat i go pas long dispela wok.

Long olgeta kain wok olsem long olgeta hap long graun bai ol pipel i gat kain kain tingting long en.

Bia faktori ya bai i bringim sampela gutpela samting i kam long Simbu na sampela samting i go gutpela.

Tasol yumi save i no gat wanpela gavman i bringim samting i kam long ol pipel i nogut olgeta. Yumi save lika na bia i save kamapim ol kain kain trabel insait long komyuniti.

Gavman i save long dispela samting tasol gavman i laik bai dispela wok i go het.

Ol provinsel gavman i toktok pinis insait long asembli long dispela bia faktori.

Na tu dispela faktori na wok namel long Danbrew na Simbu Provinsel gavman i gutpela long ol bilong olpela gavman bilong Praitim Minista Pias Wingti na Namba tu Praitim Minista na Minista bilong Tret na Industri Sir Julius Chan.

I no gutpela sapos PNG i gat wanpela bia faktori tasol. I no

stret SP bai kalabusim olgeta win mani long dispela bisnis.

Mipela ting tu taim dispela faktori i pinis bai em pulim plenti arapela kain faktori i kam insait long Hailans. Mipela save Danbrew i gat nem olsem wanpela kampani i gat save long wok bia na bia bilong ol i gutpela tru.

Mipela i ting bai plenti asples klostu bai long Kerowagi winim mani long ol kain kain samting ol i ken saplai long dispela bikpela faktori.


Sapos yumi lukim Kerowagi tude yumi save taun ya i go daun pinis. Bipo em i gat nem liklik. Tasol nau nogat. Sapos faktori i kirap bai taun tu bai gohet wantaim faktori.

Ol pipel i fri. Ol lain i laik dring bai i gat narapela kain bia long baim. Ol man i no laik dring ol i no mas baim. Ol fri.

Sapos plenti bikpela lain pipel i no laikim bia watpo dispela orait long wok bilong bia faktori i bihainim tasol wok bilong helpim kantri go het. Em ol kain wok yumi hatim stat long 1975 i go inap nau.

Gavman bilong mi i no bilip dispela faktori inap bagarapim kantri bilong yumi.

Mipela wetim dispela de faktori i stat long salim dispela kwaliti Hailans bia i go aut long olgeta pipel.



DAVID GORO MAI, MPA
Simbu Primia



• Sori tumas yu let. Ketsa bilong Wantok i laik autim wangepa pilaia bilong Braun Igels tasol em i bin let liklik.

• Pitsa bilong Wantok B gret tim i pinisim olgeta strong bilong em long tromoi dispela bal. Kam on Fatty.




• Ketsa bilong Wantok i redi i stap long paitim bal na bihain long en em ketsa bilong Braun Igels i redi tu long ketsim bal.



• Yu aut! Dispela pilaia bilong Kapit long lephan i laik sanap long bes tasol nogat namba wan bes pilaia bilong Chebu i autim em. Sori tumas traime gen.



• Man ya i laik flai o? Tasol tarangu i luk olsem ol i autim em.



• Alberta Somare bilong Wantok B Gret tim i redi long paitim bal. Dispela gem namel long Wantok na Braun Igels i bin kamap gut tru.



• Ya plis meri ya i kalap olsem rokok. Stail ya kain kain man i save pilai.

• Em i aut o nogat. Yes ya em i bin aut. Dispela em Jenny Sam, meri husat i save sanap long namba wan bes bilong Gazelle A gret tim. Narapela i wok long sanap i stap em Mectil Tonga.

Ol sofbal dro na poin lata

Rabaul

Mosbi

RABAUL MENS SOFTBALL DRAW SATURDAY 18th FEBRUARY, 1989.

MENS SOFTBALL DRAW SUNDAY 19TH FEBRUARY 1988-89 Season Draw Week 18

Time	Grade	Field	Teams	Umpire
10:30	A	1	Hawks 1 v Malangan 1	G.Talim
12:00	A	1	Karanas 1 v Mazda 1	J.Gom
1:30	A	1	NGI 1 v Bodiam	R.Ratia
3:00	A	1	Fuji 1 v Gazelle 1	V.Vasalia
4:30	A	1	Elcom 1 v B/Eagles 1	J.Kaptigau

Diamond Two

Time	Jrs	Teams	Umpires
10:00	Jrs	B/Eagles v Sharks	MSC
11:30	Jrs	MSC v V.United	B.Eagles
1:00	Jrs	B/Eagles v TSC	Gazelle
2:30	Jrs	NGI v Norths	TSC
4:00	Jrs	V.United v M.Star (NGI - Bye)	K.Cats

SUNDAY 19TH FEBRUARY, 1989.

Diamond One

Time	Grade	Field	Teams	Umpire
11:30	B		Gazelle v V.United	F.Taddei
1:00	B		MSC v TSC	A.Baiai
2:30	B		K.Cats v Norths	S.Liata
4:00	B		Kabi v M.Star (NGI - BYE)	B.Masat

* This is the end of the 1988/89 Softball Competition. Five teams system finals will be adopted. Please see next sheet for more details.



RABAUL MEN'S SOFTBALL POINTS LADDER 12/2/89 JUNIOR GRADE - END ROUND 3 WEEK 9

Teams	P	W	L	D	F	Runs	Ave	%	Pts	Pos
MSC	15	12	3	-	-	131	42	75	24	1
TSC	15	11	3	1	-	93	52	64	23	2
K.Cats	15	10	2	-	3	112	72	60	20	3
NGI	15	9	5	-	1	95	67	58	18	4
M/Star	15	8	5	2	-	96	74	56	18	5
B.Eagles	15	7	3	-	5	87	70	54	14	6
Kabi v	15	7	8	-	-	96	78	55	14	7
Norths	15	6	6	1	2	73	85	46	13	8
Gazelle	15	3	6	4	2	77	91	45	10	9
Sharks	15	3	4	-	8	32	94	25	6	10
V/United	15	1	4	1	9	42	97	30	3	11

B GRADE - END ROUND 3 WEEK 9

Teams	P	W	L	D	F	Runs	Ave	%	Pts	Pos
TSC	14	12	1	-	-	109	55	66	24	1
M/Star	14	9	5	-	-	84	57	59	18	2
M.S.C	13	8	1	1	4	92	44	67	17	3
Gazelle	14	6	6	2	-	107	92	53	14	4
Norths	14	7	5	-	2	86	93	52	14	5
B/Eagles	14	6	1	2	5	86	77	52	14	6
K/Cats	14	6	8	-	-	72	84	46	12	7
NGI	14	2	6	2	6	73	96	43	6	8
V/United	14	2	6	-	5	35	94	76	4	9

A GRADES - END ROUND 3 WEEK 9

Teams	P	W	L	D	F	Runs	Ave	%	Pts	Pos
K. Cats	24	19	5	-	-	197	87	69	38	1
M.S.C	24	18	4	2	-	175	83	67	38	2
Norths	25	18	5	-	2	137	107	56	38	3
NGI	25	15	6	4	-	127	86	59	34	4
Gazelle	24	12	10	2	1	144	114	55	26	5
TSC	25	12	11	2	-	147	148	37	26	6
M/Star	24	12	9	1	1	144	140	50	25	7
V.United	25	10	13	2	-	131	123	51	22	8
Sharks	25	9	11	1	4	116	109	51	19	9
B/Eagles	25	3	6	1	13	38	133	22	7	11

P: Played D: Draw W: Win F: Forfeit L: Lose F: For A: Against

WOMENS SOFTBALL DRAW SATURDAY 18TH FEBRUARY 1988-89 Season Draw Minor Semi-Finals

Time	Grade	Field	Teams	Umpire
12:00	B	1	NGI v Hoodscos	M.Vagilia
1:30	B	1	B/Eagles v Elcom	A.Karo
3:00	A	1	RLC Utd v Gazelle	O.Masayoshi
4:30	A	1	Mazda v Fuji	J.Bampton

Lae

LAE MENS SOFTBALL DRAW SUNDAY 19 FEBRUARY 1988-1989 Season Semi-Finals

Time	Grade	Dia	Teams	Umpires
11:00	A/Res	D1	Fireballs v YMCA	P.Pasen
1:00	A	D1	Gazelle v Aviat	E.Evald
3:00	A	D1	YMCA v Bismark	P.Pasen
11:00	B	D2	Manalos v Momase	J.Ngahan
1:00	B	D2	Aviat v Bismark	A.Samos
3:00	A/Res	D2	B/Eagles v Gazelle	J.Soa


9:00-10:30 A/Res D2 Aviat v Bismark J.Ngahan
11:00-12:30 A/Res D2 YMCA v Elcom Tony

Mendi Men's Draw Saturday 18th February, 1989

Time	Grade	Field	Teams	Umpire
2.45	A	D1	ABC v Kumim	R.Meleke

Sunday 19th February

1.40	A	Elcom	vs	Gazelle	K.Nawayap
3.20	A	Gazelle	vs	ABC	R.Meleke



• Pitsa bilong Braun Igels B gret tim i laik lusim bal.

Ol meri nidim K16,000 moa long Osenia Sempionsip

PAPUA Niugini Futbal Asosiesen (PNGFA) i rejista pinis skwat bilong ol meri long go pilai long Osenia Wimens sempionsip. Kik bilong Osenia Wimens sempionsip bai kamap long Brisben, Australia long 26 Mas i go inap long 1 Epril.

PNGFA i gat liklik taim tasol long bungim K16,000 moa bilong salim tim i go kik long Osenia tonamen.

Tim menesa, Misis Kawiap Danomira i tokim Wantok olsem ol i gat wanpela mun tasol i stap long bungim K20,000.

Dispela K20,000 i bilong baim balus, takis bilong go long ovasis, ples bilong slip, kaikai na ol arapela samting. Nau yet asosiesen i bungim K4,000 tasol na i sot yet long K16,000.

Misis Danomira, i tok nogat planti pipel i givim sapot. Bikos fan resing komiti i bungim K1,000 tasol long tripela fan resing ektiviti.

"Olsem na fan resing ektiviti tasol i no inap long bungim hariap K16,000 em asosiesen i sot long en", em i tok.

Nesenel soka skwat bilong ol meri bai i gat 16 pilaia olgeta long go pilai long

LEO WAFIWA i raitim

Osenia Wimens sempionsip. Na PNGFA i makim olsem olgeta pilaia i mas baim K500 levi fi.

Nesenel Kosa bilong ol meri, Noel Vaia i tok de em olgeta pilaia i mas baim dispela fi em 31 Desemba, 1988. Tasol no gat planti pilaia i baim dispela fi na asosiesen i senisim tingting. Olsem na nau yet asosiesen i no makim wanpela de we olgeta pilaia i mas baim dispela fi, Vaia i tok.

Mista Vaia i tok K500 levi fi i bikpela mani tumas. Olsem na planti pilaia i painim hat long baim hariap dispela fi. Nau yet 5-pela meri tasol i baim pinis dispela K500 levi fi bilong ol. Na tripela meri i baim hap tasol.

Seketeri bilong PNGFA, Andrew Waho i tokim Wantok olsem olgeta pilaia i mas baim K500 bilong bipo long 28 Februeri, 1989. Dispela em i las singaut i go long ol meri. Na ol meri husat i no baim dispela fi bai i no inap stap insait long skwat.

Danomira i tok sapos olgeta 16 pilaia i harim tok na baim hariap K500 levi fi bilong ol, dispela bai i kamap long K8,000 olgeta. Na dispela bai i helpim PNGFA long bungim narapela K8,000 tasol long inapim K16,000.

Misis Danomira i tok em i no amamas tumas long helpim bilong 4-pela provinsal asosiesen husat i gat ol pilaia long dispela skwat. Ol dispela 4-pela asosiesen em Lae, Arawa, Wewak na Hagen.

Em i tok ol dispela soka asosiesen mas givim helpim tu em long ol rot bilong bungim mani bilong helpim ol. Tasol nau i nogat ripot yet bilong ol kain helpim olsem, em i tok.

Arawa i gat 4-pela pilaia insait long skwat. Misis Danomira i toktok pinis wantaim ol. Na ol i tokim em olsem ol i mekim liklik wok bilong bungim bilong ol nau.

Tasol 6-pela pilaia long Lae i painim hevi liklik long bungim mani. Bikos ol i no kisim gutpela sapot long pablik.

Misis Danomira i tok olsem em i askim pinis wanpela man long Lae i long helpim ol dispela meri. Nem bilong

dispela man em Andrew Puui.

Em i no kisim wanpela ansa yet long tupela pilaia bilong Wewak na wanpela long Hagen.

Presiden bilong PNGFA, Wep Kanawi i lukautim wok bilong painim spon-sasip. Tasol nau yet Misis Danomira i no kisim wanpela ansa long em.

Misis Danomira i bin salim pinis wanpela pas i go long Coral Seas & Travel Services kampani long askim sapos ol i inap long sponsorim dispela skwat.

Tasol Nesenel Kosa, Vaia i tok tu olsem nau yet ol i no bihainim progrem. Olsem na olgeta samting i no go stret olsem ol i bin tingting long em.

Vaia i salim pinis trening progrem i go long ol wan wan pilaia. Ol pilaia bai bihainim dispela trening progrem aninit long kosa bilong ol yet.

Na sapos asosiesen i bungim inap mani bai olgeta pilaia i bung long Mosbi long stat bilong mun Mas. Na bihain long wanpela wik trening, ol bai makim 16 pilaia long makim PNG. Na dispela 16 pilaia bai trening gen long wanpela moa wik bipo long ol i go pilai long Australia.

PNGFA bai skelim wok bilong ol asosiesen long Goroka kibung

OL soka asosiesen i no save kamapim gutpela wok bilong bosim gut asosiesen.

Dispela em i wanpela bikpela samting Papua Niugini Futbal Asosiesen (PNGFA) bai i lukluk long em long dispela yia.

Seketeri bilong PNGFA, Andrew Waho i tok olsem menesmen bilong ol lokal asosiesen i no gutpela tumas. Olsem na planti hevi i sve kamap long ol asosiesen.

Ol eksekutiv bilong PNGFA i bin tok

klia pinis long ol dispela samting long wanpela kibung em i bin kamap long 25 Janueri long Goroka.

Waho i tok tu olsem ol bai i toktok moa long ol dispela hevi long bikpela deleget kibung bilong PNGFA long Goroka long 22 Epril.

Ol deleget bilong wan wan asosiesen i mas kamap long dispela kibung.

Bai ol i paitim toktok tu long tripela bikpela samting insait.

Namba wan samting ol bai i toktok long en em ripot bilong wan wan presi-

den. Olsem na olgeta deleget i mas kamap wantaim 1988 ripot bilong presiden bilong asosiesen bilong ol.

Bihain long dispela bai ol i lukluk 1988 ektiviti bilong wan wan lokal asosiesen. Dispela em wanem kain ol samting wan wan asosiesen i bin mekim long dispela sisen.

1988 fainensal rivi bilong wan wan asosiesen em i namba tri bikpela samting ol bai i toktok long en.

Bihain long ol dispela ripot bai ol i painimaut wanem samting i asua.

Nali soka klap kirap long Mosbi

WANPELA nupela soka tim husat bai kik long Mosbi long dispela yia em Nali Soka klap. Em i wanpela nupela tim bilong ol lain bilong olpela soka kosa Kolis Pombuai.

Nali em hap han

bilong bikpela kik resis bilong Manus ol i kolim Nali Soka Tonamen. Dispela tonamen i save kamap olgeta yia long Manus.

Mista Pombuai i tok i tru dispela tim em i bilong Manus tasol arapela pilaia i welkam long kik.

Taim bilong ragbi i stat nau

• Dispela pilaia bilong Defence i painim olsem em i no gat rot bilong ranawe. Ol pilaia bilong Kone Tigers i banisim em olgeta. Tigers i winim dispela gem.

• Wii yau...Wanpela pilaia bilong Defence i hanagamap long lek bilong arapela bilong Tigers. Tigers i no wari na abrusim mak bilong Defence long slip antap long trai lain.



-Lukim moa long Ragbi Lig Nius

• Em nau, kas nogut bilong Magani i siksti wantaim bal na laik traime abrusim ol fowat bilong Tarangau long las wiken.





• Brian Singut bilong Braun Igels i traime long sanap long namba wan bes tasol.



• Wanpela pilaia bilong Braun Igels i ketsim bal.



• Brata ya bilong Braun Igels i train sanap long namba wan bes tasol kas bilong Manalos i bin ketsim pinis bal.

Hara Kap resis bai kamap long 25 Februeri

POT MOSBI soka asosiesen bai statim pri sisen kik resis bilong em long 25 Februeri. Na dispela em wan wik bihain long de tru bilong statim dispela kik resis

Senia vais presiden Noel Bukoya i tok ol i surikim taim bikos i nogat inap tim long pri sisen. PMSA i laikim 32 tim long wokim pri sisen dro. Tasol nau yet ol i gat nem bilong 29 tim tasol.

Em i singaut long tripela primia tim, Yunivesiti, Difens na Blu Kumul long baim kwik afliesen fi bilong ol. De bilong baim dispela fi bai pas long 28 Februeri.

Olgeta arapela primia tim i bin givim nem pinis long kik long dispela pri sisen. Air Niugini na Tarangau Soka klap nau bai kik long Namba wan Divisen bikos ol i no bin pilai gut tumas long las yia.

Mista Bukoya i tok Namba wan Divisen i gat 12-pela tim pinis long kik long 1989 soka sisen. Na dispela em gutpela namba tru long mekim strong-pela kompetisen long dispela yia.

Namba tu divisen i gat 10-pela tim olsem Mista Bukoya i singaut long ol

nupela tim i mas givim nem kwik. De bilong bai afliesen fi bilong dispela kik resis bai pas long Februeri 28.

Insait long Wimens Divisen, 6-pela tim tasol i bin givim nem. Morobe Yunitid bai putim tupela tim long dispela yia. Na ol arapela tim em Westpac, Kula, GFC, na Waliya.

Mista Bukoya i askim tu ol arapela meri husat i laik putim tim long kik long dispela yia. Sapos ol i gat strong-pela laik orait i mas givim nem kwik Seketeri bilong PMSA William Vui.

Em singaut long ol lain husat i laik kik long pri sisen i mas givim kwik nem bilong 20 pilaia long opis bilong PMSA. Ol dispela nem i mas kamap long opis bilong PMSA long 21 Februeri.

Insait long ol arapela stori bilong soka, wanpela tim bilogn Malaysian Airline soka tim bai kam raun logn Mosbi long mun Mas.

Seketeri bilong PMSA William Vui i tok sapos ol i kamap stret long taim bilog pri sisen gren fainal o bai kik logn opim dispela bikpela de.

Mista Vui i tok ol bai makim Mosbi skwat long kik insait long dispela resis.



Tupela pilaia i traime bun. Dispela em ol lain Samarai, Talwa na Kulaubiga i skelim strong. Husat i king bilong Samarai.

Ol meri nidim K16,000 moa - p27

• Ol sofbal potop 25
• Sofbal - Dro na poin lata ...p 27



"HAROLD AND MAUDE"



EM-TV MUVI

(PGR) **WEDNESDAY NIGHT MOVIE:**
"THE LAST SAFARI"

Miles Gilchrist is a white hunter disillusioned by sweeping changes in the new Africa, gets disheartened and resigns his hunter's licence following a dramatic clash with Casey, a rich American playboy.

Starring: Stewart Granger.

(PGR) **FRIDAY NIGHT MOVIE:**
"ARRIVEDERCI BABY"

When the mere sight of his new and voluptuous bride, Francesca, causes the 75-year-old Conte de Rienzi to fall dead with excited anticipation enroute to the honeymoon, Park is right outside the villa Rienzi with binoculars and reports the happy news immediately to his boss.

Starring: Tony Curtis and Rosanna Schiaffino.

(PGR) **SATURDAY NIGHT MOVIE:**
"HAROLD AND MAUDE"

Harold is just your ordinary 20-year-old rich kid who likes to attend funerals in his spare time and stage elaborate fake suicides to shock his over protective mother.

Featuring: Ruth Gordon and Bud Cort.

WARDS CINEMA

Thursday 16th to Sat. 18th Feb.

NICE GUYS FINISH LAST.
MEET THE WINNERS.

**DIRTY ROTTEN
SCOUNDRELS** PG

STEVE
MARTIN


MICHAEL
CAINE



A FRANK OZ FILM STEVE MARTIN MICHAEL CAINE
"DIRTY ROTTEN SCOUNDRELS"
GLLENNE HEADLY ANTON ROOIJERS BARBARA HARRIS
MILES GOODMAN ANTON ROOIJERS STEPHEN A. ROTTER WILLIAM SCHARF
Produced by ROY WALKER Directed by FRANK OZ MICHAEL BALLHAUS
Executive Producer DALE LAJNER CHARLES HIRSCHHORN
Produced by DALE LAJNER
STANLEY SHAPIRO PAUL HENNING Produced by BERNARD WILLIAMS
DISTRIBUTED BY FRANK OZ

When terrorists strike, they strike back
twice as hard

**TRIDENT
FORCE**



**TRIDENT
FORCE**

TIETA MUVI

WARDS CINEMA - Ph: 25 4647

Thurs 16th to Sat 18th Dirty Rotten Scoundrels plus Trident Force

Sun 19th to Tues. 21st Feb PNG Products

DRIVE-IN THEATRE

Thurs 16th to Fri 17th Feb Operation Cross Eagles plus Dynamite Johnson

Sat 18th to Sun 19th Feb Penitent plus Deadly Illusion

HUON THEATRE (LAE)

Thurs 16th Fri 17th Feb Braddock plus Legacy of Rage

Sat 18th Feb PNG Product

Sun 19th to Mon 20th Feb Pippl Longstocking plus Three Amigos

Tues 21st Wed 22nd Feb Rent a Cop plus Vindicator

THEATRE LAE (LAE)

Thurs 16th to Fri 17th Feb Big Business plus Unchained

Sat 18th to Sun 19th Feb PNG Product

Ragbi Lig

NIUS

NO KEN SALIM

Issue Namba 2 Fonde 16-22 Februeri, 1989.

15 KOSA KOS BAI KAMAP

ANINIT long 1989 Nesenel Kosing Skim, PNG Ragbi Futbal Lig (PNGRFL) bai i karimaut 15 kos olgeta bilong ol kosa insait long kantri. Nesenel Kosing Dairekta, Ivan Ravu i bin tokim Ragbi Lig Nius olsem long Tunde Februeri 14, 1989.

Aninit long dispela skim bai i gat 14 prilimineri kos na tupela Level wan kos.

Namba wan kosa kos bilong 1989 i bin kamap long Popondetta long Februeri 6 i go inap long 8. Ravu i tokim RLN olsem dispela kos long Popondetta i bin kamap gut tru na i kisim planti sapot.

Long wanpela bung em i bin kamap long Trinde nait Februeri 8 long Lamington Hotel, Ravu i tokaut olsem em i amamas tru long ol opisal na kosa husat i stap insait long dispela prilimineri kosa kos.

Insait long dispela bung, Ravu i bin givim seti-

LEO WAFIWA i raitim

fiket long ol kosa husat i kisim kos.

Popondetta Ragbi Lig i gat 6-pela klab olgeta. Wanpela ripot i kam long opis bilong PNGRFL i tok olsem 10-pela kosa bilong ol dispela 6-pela klab i bin kisim dispela kos.

Nau yet PNGRFL i redi long holim wanpela Level wan kosa kos. Dispela kos bai i kamap long Nesenel Spots Institut long Goroka long Mas 5 i go inap long Mas 10.

Nesenel Kosing Dairekta, Ivan Ravu yet bai i go pas long holim dispela kos.

Representativ bilong olgeta ragbi lig senta husat i memba bilong PNGRFL bai i kamap long dispela kos.

Tasol opis bilong PNGRFL i no kisim yet nem bilong ol man husat bai i kamap long dispela kos.

Hino helpim Tigers

FRANCIS ULIAU
i raitim

WANPELA bikpela ragbi lig klap long Mosbi, Kone Tigers i gat planti as bilong amamas long dispela wik. Long Tunde Februeri 14, Ela Motors, kampani husat i save wokim na salim ol ka i bin givim K75,000 helpim mani long ol.

Na long nau, Tigers bai i kamap long fil wantain kala bilong wel pusi na karim wanpela strongpela nem tru, Hino Tigers.

Presiden bilong Tigers, John Ofoi na wanpela namba tu presiden bilong em, Patrick Kolta i bin amamas tru long dispela helpim bilong Ela Motors.

"Dispela i soim tru olsem Ela Motors i gat bilip long mipela na givim dispela kain sapot long mipela," Ofoi i tok.

Dispela K75,000 i bilong tripela yia olgeta. Tasol ol mausman bilong ol bai yusim dispela mani.

Tasol namba wan kosa bilong klap, Steve Malum i tok olsem ating Hino Kone Tigers klap bai i yusim dispela mani long stretim lait bilong klap haus long mekim stretim rot nbilong ol trening, yusim sampela bilong ol dispela mani long painim na stretim rot bilong ol pilaia long go long haus bihain long trening na tu ol bai paitim sampela toktok moa long baim ol pilaia bilong ol bihain long ol gem em pilaia long en.

"Mipela bai tingting long mekim olsem long litimapim nem bilong ragbi lig insait long klap bilong mipela yet. Dispela mani tu bai i helpim ol yangpela bilong mipela long redim ol yet gut tru long olgeta taim ol i kamap long fil," Malum i tok.

Dispela sponsasip bilong Ela Motors long wanpela ragbi lig klap i bin bikpela moa na i winim tru ol arapela long kantri.

Hino i bin amamas tru long rot em ol opisal bilong Kone Tigers i bin kamap na askim helpim bilong

Ela Motors long sponsasip.

Menesa bilong Hino, Norm Keay i bin tok olsem kampani i bin lukim Tigers olsem wanpela gutpela na strongpela klap husat i gat bikpela sans bilong surik i go antap long primiasip lata.

"Long bipo yet i kam inap nau, mipela i save wok bung wantaim ol lain husat i save win tasol.

"Olsem na Ela Motors i gat bikpela bilip olsem dispela sapot bilong mipela bai givim tru dispela helpim em klap i save painim long en," Keay i tok.

Tupela mausman bilong Tigers, Ofoi na Kolta tu i bin kalap nogut tru long dispela kain bikpela sponsasip mani em Hino Ela Motors i givim long en.


Tresera bilong klap, Steve Olapa i bin tok tu olsem em i amamas tru long dispela sapot em Tigers i kisim long Hino.

Em i tok, "Dispela i soim tru nem bilong klap bilong Tigers long olgeta sapota na ol arapela pipel husat i save bihainim ragbi lig long Papua Niugini. Mi yet i laik tok olsem mi amamas tru long dispela helpim bilong Hino long narapela tripela yia na mi save olsem Tigers bai i soim tru olsem Hino i no lusim nating mani bilong em long wanpela rabis tim."

Olapa i tok tu olsem em i nogat save long wanem kain rot bai ol i yusim dispela mani long wanem bai i gat sampela pait toktok i kamap namel long ol mausman bilong Hino na Tigers long wanem kain rot tru em ol i laik yusim dispela mani.



• Menesa bilong Hino Ela Motors, Norm Keag i soim dispela hap sek bilong K75,000 i go long presiden bilong Hino Kone Tigers, John Ofoi - Poto Henry Morabang



T.V, VIDEO, ANTENNA AND SATELLITE SALES AND SERVICE.

FOR THE BEST PRICE CONTACT

TOLEC ELECTRONICS

P. O BOX 822, LAE, MULA STREET,

PHONE: 42 4242 - 42 4253

COLOR USED

Tupela bai traim stail long Australia

Players profile

Name: Wata Sauna
Age: 23
Club: Air Niugini Division: A grade
Position: Utility Back
Past representative appearances: 1981-1982 Junior Southern Zone, 1982 Junior Kumul, 1986 National Panasonic Cup, Port Moresby side Vs. Western Australia and Northern Territory

MAN husat i ken pilai long kainkain posisen bilong Air Niugini long beklain, Wata Sauna i wok long amamas tasol i stap nau. Dispela long wanem em na poro bilong em, Tony Kila bai i lusim Mosbi long Tumora (Fraide) na go long Australia. Tupela bai i go traim stail bilong tupela long ragbi wantaim Westen Surburb tim long Sidney Lig.

"Dispela tingting bilong mi long go pilai long arapela kantri i bin stap bipo yet. Tasol i luk olsem olgeta driman bilong mi kamap tru pinis. Tumora tasol bai mi stap long Australia. Olsem na mi i no inap long tok wanem," Sauna i tok.

Sauna i gat 23 krismas na i bilong Balimo insait long Westen provins. Em i gat tupela susa na 6-pela brata long famili bilong em.

Sauna i bin stat pilai ragbi long 1981 taim em i bin pilai long skul bois ragbi lig resis. Long dispela taim, em i bin pilai wantaim West. Tasol nau, nem bilong Wata Sauna i bikpela moa olsem wanpela top ragbi lig pilaia long Papua Niugini.

Long taim em i go stap long Australia, Sauna i gat bikpela tingting long pilai top A gret futbol. Dispela, em i tok bai inap long helpim em long pilai ragbi long bihain taim.

Sauna i bin stat pilai ragbi wantaim West long skul bois resis long 1981. Na long 1982, i go inap long 1983, em i bin pilai wantaim Magani. Bihain long 1985 i kam inap long 1988, Sauna i bin stap wantaim Air Niugini tasol. Olsem na dispela gutpela na strongpela pilaia i nogat tingting bilong lusim Air Niugini. Tasol em i amamas tu long traim sampela ragbi stail bilong Papua Niugini long Sidney.



• (L-R) Wata Sauna na Tony Kila. Tupela i redi nau long go daun pilai long Australia.



• Kosa bilong Air Niugini, Alex Lubanski i sanap long namel. Long raithan bilong Lubanski em Tony Kila na long lephan em Wata Sauna. Ol i sanap ausait long Gateway Hotel wantaim ol arapela Air Niugini pilaia.

Players profile

Name: Tony Kila
Age: 24 **Weight:** 70 **Height:** 167 cm
Club: Air Niugini Division: A grade
Position: Half/ Five eight
Past representative appearances: 1982 Junior Kumul, 1984-1988 Southern Zone, 1986 Kumul, 1986-1988 National Panasonic, 1-987 Kumul tour to Europe and France, 1988 Kumul tour to New Zealand and Australia
Advice to young up and coming players: You must set a goal to aim for, and in order to reach that goal, you have to discipline, commit and dedicate yourself to the game.

DISPELA nem, Tony Kila i no nupela long ragbi lig insait long Mosbi na long Papua Niugini. Sampela i bin gat sans pinis long bungim dispela top ragbi lig pilaia tasol planti i no yet.

Kila i gat 24 krismas na i save pilai long 5/8 posisen bilong Air Niugini A gret tim long Mosbi. Em i bilong ples Koulupu long Rigo insait long Sentral provins.

Long ol dispela nupela na strongpela yangpela pilaia husat i wok long pilai strong, Tony i tok, "Yupela i mas putim wanpela mak bilong winim.

Na dispela em i wankain tru long stori bilong dispela pilaia, Tony Kila yet.

Long 1982, Kila i bin kam insait na pilai wantaim ol lain bilong Easts long Mosbi. Bihain, long 1984 i go inap long 1985, em i stap pilai wantaim Kone Tigers. Bihain long em i lusim Tigers, em i kamap wantaim ol lain Air Niugini na i stap pilai wantaim ol i kam inap nau.

Kila i bin amamas moa yet long pilai ragbi taim em i bin go long Armidale, Nu Saut Wels long 1982. Long dispela taim em i bin go long stap insait long wanpela kos bilong ol kosa. Long 1986, em i bin kamap olsem kepten bilong Sauten Zone long taim ol i salensim ol lain bilong Nu Silan, Kiwis. Na long 1986, Kila i bin stap olsem kepten bilong Air Niugini na i bringim tim bilong em long autim primiasip taitel bilong ragbi resis long Mosbi.

Kila bai i go long Australia long Fraide wantaim poro bilong em, Wata Sauna. Tupela bai i go long traim stail bilong tupela long Sidney Lig. Em i gat bikpela tingting long pilai A gret futbol na kisim gutpela save long stail bilong ol long pilai ragbi long Australia.

A TALL YARN

from
YORE



POT Mosbi Ragbi Futbol Lig (PMRFL) em i wanpela senta insait long PNG we i save kamapim ol top pilaia.

Na tu stail bilong pilai i antap moa. Taso wanem samting i rong nau long pri-sisen resis?

I luk olsem planti tim i no redi gut long dispela sisen.

Olsem na planti risev gem bilong las wiken i no kamap. Na tu planti tim i no go insait long fil wantaim ful jesi o yunifom bilong pilai.

Dispela kain pasin i ken daunim gutpela nem bilong ragbi insait long siti.

Ol klap i laik save nau olsem dispela resis i gat sponsa o olsem wanem?

Ating dispela i mas wanpela hevi. Long wanem planti klap i no save long wanem tropi na prais mani ol bai kisim bihain long resis. Ating dispela em wanpela as na resis i slek liklik

Pri-sisen i mas gat resis bilong em yet

PRI-SISEN bilong Mosbi ragbi lig i no stat gut long las wiken. Planti risev gret gem i no kamap bikos ol tim i no kamap long fil. Olsem na ol pilai long las wiken i no gutpela tumas.

Long las kibung em i bin kamap bipo long pri sisen, olgeta deleget i pasim tok olsem dro bilong ol pri sisen gem i mas i go aut bipo long ol gem i kamap. Tasol dispela i no bin kamap.

Pri-sisen i mas kamap olsem wanpela resis bilong em yet we i mas i gat prais mani na ol tropi bilong winim. Bikos dispela bai mekim ol tim i salen strong long mekim resis i kamap strong.

Plantu klap i no salim ol pilaia i go insait long fil wantaim ful yunifom. Dispela i soim tru olsem ol klab i no redi gut long dispela sisen.

Bikpela as bilong dispela em planti klap i no save long wanem kain prais ol tim bai kisim bihain

long pri-sisen. Olsem na planti klap i no laik salim ol pilaia i go aut nating long fil wantaim ol nupela yunifom.

Inap long ol eksekutiv bilong PMRFL i lukluk gut long 1990 sisen na mekim dispela i kamap strong tru? Na tu long tokaut long wanem kain prais na tropi ol tim husat i winim resis bai kisim? Narapela samting tu em long painim wanpela sponsa bilong pri sisen.

Post Courier na Niugini Nius i bin ripotim sampela nius bilong ol bikpela sponsasip em sampela klap long PMRFL i bin kisim. Bikpela samting i save daunim ol dispela sponsa em ol klap i no save yusim gut dispela mani long kisim helpim long bihain taim.

Gutpela tok bokis em long wanpela klap husat i bin kisim K50,000 i yusim dispela mani long baim hap graun na kamapim wanpela klab haus na pilai graun

bilong em yet yusim.

I gutpela sapos ol klap husat i laik aplai long kisim sponsasip long bihain taim i mas wokim aplikesen olsem ol i laik baim hap graun na kamapim wanpela klap haus. Dispela i go long ol klap husat i nogat ol dispela samting yet.

Sapos nogat mipela bai lukim stail bilong ragbi i go daun na planti bisnis bai i no inap soim laik long givim helpim.

Plantu pilaia i pinis nau long ol op sisen resis olsem bilong Saut Setelmen Ragbi Lig. Olsem na nau ol i redi tasol long pilai insait long pri sisen resis. Olsem na long dispela wiken, plantu pilaia tru bai i kamap long fil.

Long pinisim tok, mi laik askim olgeta ragbi lig pilaia long kamapim gutpela gem long dispela wiken we nogat birua i ken kamap. Lukim yupela olgeta long pilai graun.

Kundiawa i redi nau long pri sisen resis

LEO WAFIWA
i raitim

KUNDIAWA Ragbi Futbal Lig i wanpela senta we i save kamapim ol top ragbi pilaia bilong PNG olsem Kumul kepten Bal Numapo.

Numapo i kisim pinis wanpela kontrak wantaim Canterbury klab bilong Sidni long Australia.

Na las wik tasol, Kundiawa Ragbi Lig i statim pri sisen bilong ol wantaim 9-pela tim olgeta.

Ol tim husat i kaikaim bun nau long pri sisen em ol sempion bilong las yia, Tarangau na Royals, Brothers, Souths, Works Panthers, Tigers, Kerowagi United, Hawks na East.

Tripela klab i kam resis long dispela yia


tasol. Dispela ol tripela klab em Kerowagi United, Hawks na East.

Tasol olgeta Lig i mas rejisterim 8-pela klap tasol. Dispela lo i karamapim olgeta lig senta husat i memba long PNG Ragbi Futbal Lig (PNGRFL).

Olsem na Asosiesen bai lukluk na rausim wanpela klap bihain long pri sisen.

Seketeri bilong Lig, Hiok Nanining i tok olsem ol i no inap long rausim nating wanpela klab. Olsem na Lig bai i lukluk long stended bilong pilai na ol arapela samting em dispela klap inap long mekim.

Olsem na klab husat i no kamapim gutpela i go long pes 6



• Dispela pilaia bilong Defence husat i sindaun long graun i no tingting long bodi bilong em. Bikpela tingting em long lukautim trailain bilong em. Olsem na em i holim pasim gut tru fowat pilaia bilong Kone Tigers.



Lavari i fit manki

GREN fainal bilong Saut Setelmen Ragbi Lig long Sande Februari 12 1989, i makim gen narapela gutpela stori bilong George Lavari.

George Lavari em i presiden bilong Saut Setelmen Ragbi Lig na em yet i bin go pas long kamapim dispela resis.

Tripela yia i go pinis, Lavari yet i bin kirapim Pablik Sevis Ragbi Lig resis. Na dispela resis i bin ran gut tru i kam inap nau.

Saut Setelmen Ragbi Lig kompetisen i bin kamap gut tru na pinis long gutpela tingting. Na dispela i kamapim gutpela nem nau bilong George Lavari we ol pablik i mas lukim long en.

Ol arapela eksekutiv na komiti husat i wok strong wantaim Lavari long mekim dispela resis i ran gut i mas kisim bikpela tok tenkyu tu.

Na bikpela tenkyu i mas go long Michael Kendi, John Gaius, tupela sapota bilong Paga Panthers na Ben Diau husat i save wok wantaim ol eksekutiv bilong Brothers Ragbi Lig klab.

Dispela em long helpim bilong ol long givim ol tropi i go long asosiesen.

Planti lig sapota husat i kisim ol gutpela bikpela wok i mas luksave long dispela na bihainim pasin bilong Lavari. Long wanem sapos yupela i laik apim o promotim pilai ragbi insait long kantri, yupela i mas bihain dispela pasin.

Planti ragbi lig pilaia i no save pilai long Mosbi o Nesenel Kapitel Lig. Tasol ol i gat gutpela save na stail bilong pilai.

Olsem na ol dispela kain gutpela resis bai i givim sans long ol yangpela husat i no save pilai insait long siti long kamapim moa save long pilai ragbi.

I gat planti sans bilong ol dispela yangpela husat i nogat wok na save stap nating, na wan wan bilong ol bai i go het yet pilai insait long Kumul tim long wanpela de.

Mi bai amamas tru long kosim sampela bilong ol dispela yangpela pilaia. Na sapos mi laki long kosim wanpela sait insait long siti lig, mi bai i amamas tru long kisim planti bilong ol dispela yangpela pilaia.

Ol eksekutiv bilong Saut Setelmen Ragbi Lig i bihainim stretpela tingting long stapim planti pilaia bilong Mosbi Ragbi Lig long pilai insait long dispela resis.

Long lukluk bilong mi, tripela namba wan na risev gret pilaia tasol i ken pilai insait long resis long bihain taim. Bikos ol dispela wan wan pilaia i ken helpim long lukautim na lainim ol arapela yangpela pilaia.

Wau-Bulolo i kaikai bun

Ragbi Lig pri-sisen long Wau/Bulolo i stat pinis long las wiken. Olgeta 6-pela klap husat i bin resis long las yia bai pilai gen long dispela yia.

Dispela ol klap em; Brothers, Tigers, Panthers, Easts na Appcats.

Dispela yia tu i gat wanpela nupela klap gen i go insait long resis. Nem bilong klap em

Hawks. Dispela i bringim namba nau i go antap long 6-pela klap olgeta long resis i nsait long Wau/Bulolo ragbi lig.

Long ol pilai i bin kamap las wiken, Brothers i bin winim Panthers 28-16, Easts i winim nupela tim Hawks 14-8 na Tigers yet i bin winim Appcats 24-12.

Wewak bai was long ol referi

WEWAK ragbi lig bai was gut tru long ol referi long dispela yia. Dispela tingting i bin kamap bihainim planti trabel we i bin kamap bipo em ol pilai na sapota i save paitim na bagarapim skin bilong ol referi na lainsmen.

Nupela namba tu presiden bilong Wewak Ragbi Futbal Lig (WRFL), Samson Wanuk i bin mekim dispela toktok.

Em i tok tu olsem WRFL bai givim bikpela mekim save long ol pilai na ol klap husat i save paitim na bagarapim skin bilong ol lain i save lukautim gem. Lig bai i kamap wantaim sampela strongpela lo bilong stapim ol dispela kain hevi.

"Mipela i laik mekim ol dispela kain lo long wanem stail bilong

pilai long Wewak i wok long go daun olgeta. Mipela i laik traim nau long bringim stail bilong ragbi long Wewak i go antap olsem long bipo," em i tok.

Ol klap na tim tu long Wewak i wok long redi nau long statim pri-sisen resis bilong ol. Pri-sisen resis bai stat long Febueri 26, 1989.

Ol klap husat i bin pilai las yia bai pilai gen long dispela yia. Dispela ol klap em; Works, Tarangau, Royals, Maprik Tigers, Wharfies, Country na Defence. Klap afiliesen mani em K481.

Ol sinia pilaia bai baim K15 rejistresen fi na ol junia em K5. Lig i bin askim tu olgeta klap long kamap wantaim tripela gret long resis. Dispela em long A gret, A Risev na Anda 19.

Mobia i gat stail long Vanimo

"**YU PRET!!**" Planti taim pasin bilong daunim na tok bilas long narapela i save mekim manmeri long mekim wanpela samting em yet i no inap long mekim.

Na dispela em bikpela as tru bilong mekim John Mobia i pilai ragbi. Mobia i gat 25 krismas na i save pilai wantaim Hawks A Gret tim long Vanimo long Wes Sepik provins.

Mobia i wanpela gutpela pilaia bilong Vanimo long las sisen. Long strong bilong em tasol na em i skoarim las trai bilong Hawks. Olsem na Hawks i winim 1988 gren fainal bilong Vanimo Lig.

Mobia i bilong Dagua eria insait long Is Sepik provins. Tasol em i bikpela long Vanimo na i save kolim em yet olsem "Pikinini Wes".

Long 1984 em i pilim olsem em i strong inap na jonim risev gret


bilong Hawks. Dispela klap em planti poroman i save stap pilai insait long en.

Long dispela yia yet, SP Kantri klap i bruk na ol pilai i go jonim ol arapela tim. Na Mason i go jonim Hawks. Na dispela i mekim Mobia i amamas tru.

"Tasol bikpela tenkyu bilong mi i mas go long Senty. Bikos em i givim gutpela sans long mi na dispela i strongim nau tingting bilong mi long kamap gutpela pilaia.

Mobia i tok em i no tingting yet long marit. Bikos em i laik stap yangpela yet na helpim ragbi insait long Vanimo.


"Bikos mi save olsem planti taim spot i save bagarapim sindaun bilong ol marit insait long kantri. Olsem na mi laik stap "10 toea" liklik. Bikos dispela bai helpim long pinisim laik long pilai ragbi", Mobia i tok.



• John Mobia, ragbi sta bilong Vanimo Lig. Bipo em i save pret long pilai ragbi .. tasol nau nogat. Lukim stori bilong em.



LEAGUE NEWS



Stail bilong Mosbi

• Winga bilong Defence wantaim ol arapela pilaia i bagarapim stret wanpela pilaia bilong Kone Tigers.



• Martin Taumu bilong Defence i holimgut tru dispela pilaia bilong Kone Tigers. Tasol Kone i winim Defence 14-10.



• Andy Taia bilong Kone Tigers i satim stret olem wanpela helikopta ya. Taia em wanpela pilaia bilong Tigers em ol arapela tim i mas lukaut long dispela sisen.

BENSON and HEDGES WEEKLY POINT LADDER & DRAW TABLE



NATIONAL COACHING SCHEME

PROPOSED COURSES 1989
AMENDED AS OF 27 JANUARY 1989

MONTH	DATE	COURSE	VENUE
February	06-08	Preliminary	Popondetta
February	14-16	Preliminary	Alotau
March	05-10	Preliminary	Goroka
March	13-15	Preliminary	Mendi
March	17-21	Preliminary	Mt Hagen
March	23-24	Preliminary	Wabag
March	27-29	Preliminary	Kundiawa
April/May	31/03	Preliminary	Kainantu
April	17-19	Preliminary	Port Moresby
April	25-27	Preliminary	Tabubil
May	02-04	Preliminary	Daru
May	17-20	Preliminary	Vanimo
May	23-25	Preliminary	Wau
June	05-09	Preliminary/Level one	Solomons Islands
June	26-28	Preliminary	Lae

P.N.G.R.F.L. 1989 CALENDAR

(Possible inward Schoolboys tour July & September not included)

MONTH	DATE	EVENTS
FEBRUARY		Scheduled start for pre-season competitions. Port Moresby participation in Panasonic Cup.
MARCH	18th	- PNGRFL General Meeting. (Port Moresby)
APRIL	9th	- Scheduled start for all premierships competitions. Launch of Inter-City Competition. (provis)
MAY	28th	- Final date for Zone trial matches.
JUNE	4th	- Islands v Southern (Kimbe)
		- Highlands v Northern (Kundiawa)
	10th-12th	- Q.B. Weekend - remainder of Zone Champ round-robin fixtures (Lae)
	30th	- Close of registrations.
JULY	2nd	- Final of Inter-City Competition (provis)
	16th	- New Zealand Juniors arrive
	19th	- New Zealand Juniors v Southern (Port Moresby)
	23rd	- New Zealand Juniors v Bougainville (Arawa)
	26th	- New Zealand Juniors v Rab/Kav/Kim. Select (Kimbe)
	30th	- New Zealand Juniors v PNG (Lae)
AUGUST	2nd	- New Zealand Juniors v Highlands (Goroka)
	6th	- New Zealand Juniors v PNG (Port Moresby)
	8th	- New Zealand Juniors depart
SEPTEMBER	3rd	- Deadline for League Grand Final
	10th	- Zone Championship Final (venue t.b.a.)
	17th	- Cambridge Cup - 1st Round
OCTOBER	8th	- Cambridge Cup Final
		- Official end of season
NOVEMBER	25th	- Annual General Meeting



PROUD SUPPORTERS OF PNG RUGBY LEAGUE


PROVINICAL LEAGUE

Mt Hagen Rugby League 1989 Pre Season Draw Saturday 18 February, 1989

Time	Grade	Field	Fixtuer
11.00	U17	1	Royals vs Country
11.00	U17	2	Brothers vs Jets
12.00	U17	1	Tarangau vs Magani
12.00	U17	2	Country vs Tigers
1.00	U19	1	Royals vs Hawks
1.00	U19	2	Brothers vs Jets
2.00	U19	1	Tarangau vs Magani
2.00	U19	2	Country vs Tigers

Sunday 19th February, 1989

Time	Grade	Field	Fixtuer
11.00	Res	1	Royals vs Hawks
11.00	Res	2	Brothers vs Jets
12.00	Res	1	Tarangau vs Magani
12.00	Res	2	Country vs Tigers
1.00	A	1	Royals vs Hawks
2.00	A	1	Brothers vs Jets
3.00	A	1	Tarangau vs Magani
4.00	A	1	Country vs Tigers



• Yu no ken ting em husat. Em stail pilaia bilong Brothers ya. Em i bin kamapim strongpela pilai tru long las wiken egensim Magani.

Bikpela lo tambu i bagarapim pilai

BIKPELA lo tambu i wok long kamap nau long Not Solomon provins. Olsem na dispela i stapim Bougainville Ragbi Futbol Lig long holim 1989 pri sisen resis. Long dispela as tasol Lig i redi long statim sisen propa long Epril 26, 1989.

Long wanpela kibung em i bin kamap long tripela wik i go pinis, ol eksekutiv bilong Lig i toktok strong tru long dispela hevi. Ol pilai i nogat inap

FRANCIS ULIAU i raitim

taim long pinisim gut trening bilong ol. Bikos tambu lo i tambuim ol pipel long raun o wokabout nabaut bihain long 6 klok apinun. Olsem na planti pilai i save trening liklik taim tasol na go hariap long haus.

Long dispela tasol na planti pilai i no inap kisim gutpela trening long mekim ol i fit na redi long resis tu.

Lig i tokaut pinis long olgeta klab long ol pilai namel long ol

yet. As bilong dispela i bilong mekim ol pilai i stap fit na redi long sisen propa. Na tu bilong tilim ol pilai i go long wan wan gret.

Long ol arapela samting, presiden bilong Bougainville Ragbi Futbol Lig (BRFL), Benny Rasin i tenkim ol bisnis komuniti long Bougainville long sapotim ol tim, klap na lig long las yia na dispela yia tu. Sampela bilong ol dispela pravit kampani em SP Brewery long provins, Bougainville Bekeri, Arawa News,

SHRM na Hasting Deering kampani.

"Lig i laki long ol dispela kampani i givim sapot long sponsasip long sapotim ragbi lig insait long provins. Dispela em long givim sponsasip na tropi na prais mani bilong ol tim na pilai." em i tok.

Insait long dispela kibung, olgeta deleget i pasim tok olsem sisen propa bai i stat long Eprel 26. Pilai registresen fi em K23 long ol sinia pilai na K18 long ol junia pilai. Na wan wan klap i mas baim K400 olgeta long afiliet wantaim

Lig. BRFL tu i gat nupela klap nau long resis bilong dispela sisen. Nem bilong dsipela klap em Toniva Broncos.

Dispela i bringim namba bilong ol klap i go antap long 7. Na 6-pela olpela klap bilong las yia husat bai i stap yet em Seagulls, Barbarians, Panthers, Snafu, Dolphins na Muruks.

Wanpela hevi em Lig i bin painim long las sisen em i nogat gutpela wok bungwantaim long lokol referi asosiesen. Olsem na dispela em wanpela

samting Rasin bai i lukluk moa long dispela lig.

Dispela hevi i bin kamap bikos Lig i gat sampela dinau i stap yet wantaim Referi Asosiesen. Olsem na referi asosiesen i sot long mani bilong baim ol referi. Tasol Rasin i tokaut olsem em bai lukluk i go insait long dispela hevi na stretim.

"Hevi bilong las yia i mas pinis na i no ken go het. Mi bai lukim olsem dispela hevi bai i pinis na i no inap long stapim resis long go het", Rasin i tok.

Rasin i tok tu olsem

ol nupela eksekutiv husat i wok nau aninit long em bai wok hat long ranim gut Lig long dispela sisen.

"Mipela bai wok bungwantaim long rausim ol hevi na kain kain tingting em i stap namel long mipela. Na sapos i gat sampela dinau em Lig i no stretim yet, mi yet bai stretim dispela bipo long mipela i statim resis", em i tok.

Em i tok tu olsem long planti taim, ol eksekutiv bilong Lig i save baim ol referi long poket mani bilong ol yet.

NCRFL bai kirapim das

NESENEL Kapitel Ragbi Futbol Lig (NCRFL) insait long Mosbi bai statim pri sisen long namba wan wik bilong mun Mas wantaim 7-pela klap olgeta. Dispela 7-pela klap i afiliet pinis wantaim Lig.

Wanpela bilong ol dispela klap i go insait long resis long dispela sisen tasol. Nem bilong dispela klap em June Valley.

Planti pilai bilong June Valley na Tokarara eria i save pilai insait long dispela tim.

Tupela bikpela man bilong NCRFL i statim dispela klap. Nem bilong tupela em Buddy Dou na Simeon Amkele.

Dou em kosa bilong Nesenel Kapitel Ragbi Lig. Na Amkele em olpela presiden bilong Boroka klap.

June Valley bai kisim ples bilong Saraga klap. Bikos Saraga i no baim hariap afilien fi bilong em bipo long de em Lig i bin makim. Olsem na ol eksekutiv bilong Lig i pasim tok long rausim ol long kompetisen.

Ol arapela klap husat i afiliet pinis wantaim Lig em Bomana, Boroka, Hohola, Korobosea, Tokarara na Waigani.

Presiden bilong Lig, Tau Peruka i tok olsem 7-pela klap olgeta i afili-

SUMEO KAKARERE i raitim

et wantaim Lig. Tasol ol bai ranim 6-pela tim resis tasol.

"Olsem na long olgeta wik, wanpela bilong ol dispela klap bai i stap long bye," em i tok.

Long pri sisen kompetisen, Peruka i tok olsem olgeta klap bai i kamapim tripela gret olgeta.

"Olgeta klap bai i kamapim tupela gret long junia divisen. Dispela em long U17 na U19. Na wanpela long sinia divisen", em i tok.

A Risev gret resis bai i kik ol long stat bilong sisen propa.

Na tupela ripresentativ pilai bai i no inap stap long taim NCRFL i statim pri sisen kompetisen bilong ol. Nem bilong tupela pilai em Gasup Apaio na Steven Bibaesi.

Apaio em olpela skipa bilong Waigani A gret tim. Em i save makim NCRFL sait long lok posisen. Em i go wok nau long Goroka.

Na Bibaesi i pilai nau wantaim Air Niugini primia tim bilong Mosbi Lig. Em i save makim NCRFL sait long senta posisen.

I luk olsem Bibaesi bai pilai klostu wantaim Kumul winga, Sawi Kaeta long beklain bilong Air Niugini.



•Woi mama, bel bilong mi ya! Tasol dispela pilai bilong Magani i no wari long bel bilong em. Tasol han bilong wanpela difenda bilong Brothers i surik i kam na kalabusim em pinis. Dispela gem bilong ol i bin kamap long Sarere. Poto Markroy Teno.

Brothers i kaikai gen Twisties

EVERCRISP kampani i sapotim gen Brothers ragbi lig klab bilong Mosbi long dispela dispela sisen wantaim K15,000 sponsaip.

Long wanpela liklik bung em i bin kamap long Trinde Februari 8 1989, Brothers ragbi lig klab i sainim wanpela kontrak wantaim Evercrisp kampani.

Evercrisp kampani i save mekim ol Twisties na ol arapela swit kaikai.

Ol representativ bilong Evercrisp na Brothers klab i bin stap insait long dispela liklik bung long lukim dispela agrimen.

Evercrisp i bin sponsarim Brothers klab long 1984 yet i kam inap nau. Na dispela em namba 6 taim nau bilong Evercrisp long sponsarim gen Brothers klap.

Nesenel Sels Menesa bilong Evercrisp kampani, Evan Iewago i bin sainim dispela kontrak wantaim David Bane. Bane i makim Brothers klab.

"Antap long dispela sponsasip, Evercrisp bai i

givim tu ol arapela helpim olsem long apim na promotim klap.

"Nau yet mipela i gat ol top eksekutiv wantaim Minista bilong C.I.S., Melchior Pep olsem Petron. Olsem na 1989 bai i wanpela gutpela yia tru bilong Brothers klab", Evan Iewago i tok.

Presiden bilong klap, David Bane i tenkim tru Evercrisp long bikpela helpim na sapot em i givim gen long dispela yia.

"Dispela sisen, planti top pilai i kam jonim Brothers klab. Olsem na mipela i ken promis olsem mipela bai givim gutpela bekim long dispela bikpela helpim".

Petron bilong klab, Melchior Pep i tok em i gat bilip olsem ol grasrut sapot em Brothers i save kisim long bipo bai i kam bek gen long dispela sisen.

Dispela sisen ol pilai bilong Brothers long olgeta gret bai i go aut long fil wantaim nupela kala jesi. Nupela jesi i gat red, blek na waitpela kala. Tasol dispela em kala bilong namba wan yunifom bilong ol.

i kam long pes 3

stail bilong pilai bai i no inap resis bihain long pri sisen.

Seketeri i givim strongpela tok lukaut tu i go long ol klab long rejista hariap wantaim Lig. De em olgeta klap i mas baim afilien fi bilong ol em Mas 26, 1989.

Afiliasen fi bilong dispela yia em K700

olgeta. Olsem na ol klap husat i no afiliet hariap bai i no inap pilai long resis, Nanining i tok.

Ol opisal bilong wanpela nupela klap i tok olsem wanpela lokol kampani bai sponsarim ol long tripela yia olgeta.

Tasol Nanining i tok olsem em i no lukim yet ol pepa bilong dispela sponsa. Sapos em

i lukim dispela klap bai i gat bikpela sans bilong resis.

Sponsasip em wanpela bikpela hevi Kundiawa Lig i save painim.

Nanining i tok olsem Kundiawa i no wanpela bikpela taun. Tasol em i amamas long ol wan wan bisnis husat i save sponsarim ol klap long jesi, mani na ol ara-

pela samting.

Tasol Kundiawa Lig yet i no save kisim wanpela helpim.

Olsem na presiden i askim nau ol bisnis grup insait long Kundiawa long givim sampela helpim.

Lig bai i kem yusim ol dispela helpim long kamapim gut pilai graun na ol arapela samting bilong pilai.



• Lukaut nau ong Kone Tigers. Ol yangpela Tigers i redi nau long kamapim strongpela pilai olsem long dispela sisen.

Junia lig i gat bikpela wok long Hagen

DISPELA sisen Hagen Ragbi Futbal Lig bai i wok long litimapim junia ragbi lig.

Presiden bilong Lig, Paul Ray i tok olsem as bilong dispela em long givim moa sapot long ol yangpela pilaia bilong Hagen na kantri.

"Bikos ol yangpela bai sapotim pilai ragbi long bihain taim. Olsem na mipela i mas tingting nau long helpim na litimapim stail bilong ol yet" Ray i tok.

Narapela samting em olgeta pilaia i mas kamap long trening. Ray i tok olsem dispela toksave i go long olgeta junia na sinia pilaia wantaim.

Sapos wanpela pilaia i no kamap long trening, em bai i nogat sans bilong em long pilai. As bilong dispela i bilong apim nem bilong ragbi lig long Hagen.

Hagen Lig i bin kamapim wapela senis long bihainim lo bilong PNG Ragbi Futbal Lig (PNGRFL). Dispela lo i go olsem

LEO WAFIWA i raitim

olgeta klap i mas kamapim tupela junia tim. Dispela em long U17 na U19 tim.

Bipo ol yangpela pilaia bilong dispela tupela gret i save pilai long C gret tasol.

Tasol PNGRFL i laik givim moa sans long ol junia long pilai ragbi. Olsem na ol i bihainim dispela tingting bilong brukim C gret i go long tupela hap.

Presiden i tok tu olsem olgeta gem bilong ol junia bai i kamap nau long Sarere. Na long Sande em gem bilong tupela sinia gret, A na A Risev.

Na mani bilong dua em Lig i kisim long Sarere bai i go long fan resing bilong ol junia.

Presiden i tok olsem mani em ol i bungim long dua bilong Sarere wantaim ol arapela fan resing ektiviti i

bilong salim ol yangpela bilong Hagen long stap insait long Junia Pepsi Kap resis.

Dispela resis bai kamap long mun Julai long dispela yia.

Stended bilong ol kosa em i wanpela bikpela samting Lig i lukluk tu long litimapim. Bikos ol kosa em ol man husat i save skulim na lainim ol pilaia long we bilong pilai.

Olsem na wanpela kos bilong olgeta kosa bai kamap long Mas 15 1989.

Nesenel Kosing Dairekta, Ivan Ravu bai i go long hagen long go pas dispela priliminari kos.

Nanining i tok olsem as bilong dispela i bilong helpim ol kosa long tisim gut ol pilaia long pilai. Bikos dispela em wanpela bikpela eria bilong lukluk moa long apim stended bilong ragbi.

Presiden i givim strongpela tok lukaut tu i go long olgeta klab. "Olgeta opisal bilong wan wan klap i

mas kamap long fil wantaim tim bilong ol wan aua bipo long gem i stat. Dispela long mekim ol gem i kamap stret long taim.

"Ol klab husat i no bihainim gut dispela tok lukaut na kamap bihain long taim bai lusim gem bilong ol" Nanining i tok.

Na long bikpela gem bilong dispela wiken bai i stap namel long 1986 Cambridge kap wina, Tigers na Country.

Nanining i tok dispela bai i wanpela strongpela gen tru bilong lukim. Bikos tupela tim wantaim i gat ol gutpela pilaia na i save kamapim strongpela gem.

Tigers bai i kamap wantaim ol wankain pilaia bilong em husat i bin strongim em long winim 1986 Cambridge Kap resis.

Olsem na olgeta i save pinis long wanem samting bilong mekim long winim dispela bikpela



• Dispela stail pilaia bilong Tigers i saitim narakain stret long holim dispela bal. Tasol ol strongpela soldia bilong Difence tu i sambai tasol long takolim em.

gem. Tasol lukaut long ol bagaros nogut bilong Jimi Country. Ol bai i go aut long fil aninit long lukaut bilong Ted Vere long 5/8 posisen. Vere em wanpela top

pilaia bilong Mosbi husat i bin pilai wantaim DCA.

Long gutpela stail bilong em long kikim gol DCA i winim 1987 Mosbi primiasip taj-

tel. Olsem na Vere em wanpela pilaia em Tigers i mas lukaut gut. Sapos nogat ol i save pinis, Jimi Kantri bai i wilwilim ol.



SERVICING PNG'S HELICOPTER REQUIREMENTS COUNTRY WIDE

NAU MIPELA OPIM BRENS LONG

HELICOPTER CHARTER

ALOTAU

Ph: 61 1048
After Hours: 61 1192

TARI Airport

KIMBE

Ph: 93 5500

GOROKA


Ph: 72 2888

PANGUNA

Ph: 97 2554

- ★ EXPLORATION
- ★ MINING
- ★ AGRICULTURE
- ★ TELECOMMUNICATIONS
- ★ CIVIL WORKS

- ★ SEARCH & RESCUE
- ★ PETROLEUM SUPPORT
- ★ AIRBORNE SURVEYS
- ★ TRANSPORT



Our Fleet includes:-

HUGHES 500
BELL JET RANGERS
BELL LONG RANGERS
AND THE WORLDS MOST ECONOMICAL HELICOPTER —
THE REVOLUTIONARY 2 SEAT ROBINSON R22.

HELI NIUGINI, P.O. BOX 367, GOROKA, EHP, PAPUA NEW GUINEA
FACSIMILE: GOROKA (675) 722788, PANGUNA (675) 972988.
AFTER HOURS: GOROKA 722388, PANGUNA 958337.

CAMBRIDGE

KING SIZE

GOVERNMENT WARNING - SMOKING IS DANGEROUS TO HEALTH

WANTOK

SPAK MAIK!



BARGAIN CLOTHING PTY LTD

P.O. BOX 3579, LAE

WHOLSEL PRAIS K4.50


NAU EM K3.50/kg

OL KAIN KAIN KLOS I STAP!!

* SPESEL BILONG OL MERI

45 kg KARAMAP - K100.00 TASOL

RAGS BILONG WOKSOP - K1.00/kg



REBO

LONG NIAT REBO I STRETIM KAGO BILONG EM LONG WANEM EM BAI FLAI I GO BEK LONG NUSILAN TUMORA MONING...




REBO! OPIM DUA!! HARIAP! BANG! BANG!

...TASOL NOGAT OL PLISI KAM NA RAUNIM HAUS...

LONG PLIS STESIN OL PLIS I BIKMAUS LONG REBO I STAP..

YU BIN PAULIM WANPELA MARIT MERI, EMI TRU?



NOGAT! NOGAT!

NAU REBO OPIM DUA NA OL PLIS I GO INSAIT...



NEM BILONG YU EMI REBO A?

YES!

OKE REBO, MIPELA BAI ARESTIM YU...

OL LAIN LONG NU SILAN BAI WETIM MI LONG EAPOT.. NA MI BAI ABRUSIM BALUS BILONG MI.

TARANGU EM WARI NOGAT TRU...

LONG NU SILAN NUPELA KLAB BILONG REBO I REDI LONG EM LONG KAM...



REBO BAI KAM TUMORA.. YU MAS GO WETIM EM LONG PLES BALUS.

OKE BOS!

BALUS BILONG REBO I PUNDAUN LONG NU SILAN TASOL REBO I NO STAP INSAIT....



HEY REBO WE?

PINIKI



TAIM PINIKI NA DEISI I GO, JOHN NA WANTOK PLIS MERI KAM KAMAP LONG PLIS STESEN. MERI WANTOK GO SEKAP LONG SEL..



DISPELA PIPIA MERI KAM OLSEM WANEM? A...?



YU PAUL GO RAUN WE NA NAU YU KAMAP LONG HAUS?



JOHN LUSIM PLIS STESEN NA TINGTING PLANTI I GO BEK LONG HAUS



HUSAT WANTOK I KAM KISIM PINIKI I GO YA? ATING OL PLISMAN PAULIM EM O???



LONG DE BILONG KOT, PINIKI KISIM LOYA KASEN BILONG EM I GO NA WINIM KOT.

DISISEN BILONG MI I OLSEM, ... SAS I NO STRET OLSEM NA MI DISMISIM.

PINIKI!, MI TUPELA WINIM KOT.

OH!.. TEAK YU TRU KASEN.

PINIKI NA JOHN KISIM KA BEK NA I DRAIV I GO LONG HAUS. TUPELA KAMAP LONG HAUS NA LUKIM SAMPELA LAIN LONG PLES I KAM STAP.

AH! KANDERE! YUPELA?..

LIKLIK BLONG YU I MARIT... OLSEM NA MIPELA KAM.

AU? EM OL HUSAT LAIN YA KAM STAP YA?..

MI GO YA.

TUPELA MARIT I KAM NAU YA.

I GO MOA NEKS WIK

Winfield 25'S

GOVERNMENT WARNING - SMOKING IS DANGEROUS TO HEALTH

Long Beng ov Saut Pasifik, em i isi tru long sevim mani long taim bilong haus bilong yu yet.

Go for Goal!

Statim wanpela Beng ov Saut Pasifik 'Goal' seving akaun tude...em yu bihainim gutpela rot!

1 Em i isi. Yu yet tingim wanem 'GOAL' yu laikim long taim yu opim akaun.

2 Mipela bai givim yu 'Goal' diposit buk i gat K10 o K20 ol mak bilong mani long en.

3 Long taim yu laik putim mani long beng, yu givim tasol mani na ol pepa i makim hamas mani yu laik putim the insait long akaun. Em tasol. No gat

man bai askim yu ol kain kain kwesten. Nogat.

4 ... Bai yu kisim gutpela Interesmani. Bikos long ol 'Goal' akaun, i no inap yu autim mani bilong yu. Inap long taim yu inapim 'Goal' o mak yu yet i makim, orait, yu ken rausim mani. Bai mipela i givim gutpela interes inap long 6.5 pesen long olgeta mani i winim K100.

SEVIM MANI LONG

- Wok stretim bilong haus
- Skul fi
- Ka registresen na insurens Ol nupela tebol na sia samting bilong haus
- Baim tiket long go long ples
- Sevim mani long helpim yu kisim lonmani



Raitimaut olgeta toktok long dispela fom na kisim i go long wanpela hanopis bilong Beng

long yu.



Nem:

Adres:

Mi laik statim

'GOAL' bilong mi em i:

My Goal is:

Mi ting mi ken sevim K.... olgeta mun.

Port Moresby, Boroko, Waigani, Lae, Mt. Hagen, Rabaul, Arawa, Kieta, Buka, Kundiawa, Banz, Wabag.

GO FOR GOAL!
Sevim mani long wanpela isi we tru long Beng ov Saut Pasifik

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.